



樓山堂集卷第二十一

詩

五言古

立秋 壬戌

五載屈斯長風塵悵擾攘今茲肅高居忽復逢秋爽微雨洗繁林輕颿蕩纖幌庭植相與鮮煩襟亦以盪憩松說沈陰撫流弄新響清商未央來積暑漸以往宿志耽墳籍欣承氣清朗把卷欲忘言散髮酬心賞

初夏齊山示王子兄弟

自注王心眷心介

甲子

茲山記梓里相期可白首浪游古宣州念茲若良友懷深忽言旋挈侶脩朋酒輕颿散鬱埃朝爽傾新柳背郭信委紆摧華壘培樓下藉湖波盈沆漭空靈數捫磴歷亭際洞壑勢如

如二一

體

一


誘移瞬變雲巒觸趾列戶牖何境不相習一來一領受舊乘紀泉巖大小九十九靈跡半夷淹窮情莫能剖造化示明滅山川幻無有味者遵所聞日與躋攀紐嗟我亦耽奇眺矚良不偶流連片石間對之嘯詠久譬彼賞駿人意在略牝牡吾子許掾徒相與重攜手逖覽極蒼茫蕩滌塵纓否

雨後詠懷

羲轡騁修途熇炎布塵溽羣卉就鬱蒸膚節猶械梏喬林無沈陰瓶秀鮮積綠譬彼焚岡虐乃不區石玉有身倏與雲驅雨洗煥毒簷際無停注盈溜漾階淥須臾散清霽涼颺相委屬蒼翠發遠岫縹碧紛綴續亭午前後分視昔罔餘酷憔悴易為德感茲無異局軒宇豁以敞曠懷類若觸人生審變態胡乃苦踣促晞髮試微吟欣然成麗矚

自大剡谿望橫山諸峰

自注谿山在高田之黃山原



方秋理勝情窮都展高眺距今三望舒清夢猶為繞而我觀
茲山曩游翻見少奇秀時復遭無如此幽官天外削不成雲
中青未了疑或誰仙人行空幻窈窕鄰壤有九子峰峰絮之
小藉甚胡獨名徒以臨江表俗情鮮特達勝區資介紹安知
劉南陽中懷非獨矯諒哉金石鏗斯為得要眇

寄李達丁煜劉城乙丑

世途不可問引覽天宇闊胡以凌霄姿羣然迴秋翻在筮齊
鳳雉同採律玉石我苦歎索居懷人觸幽噴往訓激綢繆勞
勞徵三益雅誼有同申睽睽無時數日新各勉音塵慰遙
積眷言寄鄒吹細緼滿衡席

初秋湖中

非注池州城東

丙寅

城樓強半湖日涉不知倦耳目恣清越探領各以見節候倏
又更景物如乘傳寒光洗夏威遠影涵平練短棹信夷猶極

妙二十一

二

浦欣周徧氣類視所宜誰云樂荒宴

關江磯水落見石出蔽江

非注在池州西南六十里

肅肅霜氣晶嚴颯吹寒驛有友理准駕解纜滂江磧曩予嘗
汎茲巨濤相塌澹惟時盛夏秋水力與磯逆今也殺其怒石
出胥攢積江流信灑淼斂浪穿罅隙嶙峋狀以千亘江森交
戟偃者若蹲視矗者紛立壁大已蔽象軀小亦攤鵝翻舟遭
未移瞬對之增浩惜攬勝驚逝波安渡忻挂席夷險感物情
漲洄悵今昔

固始道中見林曲似秋浦道上

于邁忽踰旬每發遵初旭如何歷郭邑蕭然鮮麗矚茲為山
水游解轡緩予于疏煙滌叢條明沙漾深曲我思秋浦秋境
會因類觸遠眺極蒼茫塵襟如盪浴游壯匪倦梁道險毋難
蜀行行顧僕夫前路欣相勸

兩明府詠有序 丁卯

梁王兩公先後令吾邑皆以國士相遇後兩公繼逝予亦屢報罷丁卯歸偶簡舊籍見兩公所評應制文為之增悼車過腹痛寓子篇章梁名夢濬順德人王名榮棠石首人

嶺南梁公來秉道方高素為令澹聲華好士急詞賦菲文學深鑿覓然國士遇冰照既委塵霄姿亦鍛羽感時驚逝川陳書悲宿露躑躅昂長鳴盍忘市中顧

王侯縮綬時疑是羣真謫為政厲剛新丁奏泯竅卻朝案無留牘夕榻欣莫逆詎知誤一鳴謂勝羣鳥百被褐亦已徒十年悲抱石山河歎緬邈霄泥深踟躕攬舊腹輪摧城頭悵姑射

得蔣臣書問御寄 戊辰

妙二十一

三

日暮城西頭飛雲警遠吳我思方鬱盤省書申交道流落非所悲矜慎各華藻憶昨都市游豈不抗懷抱一為鍛羽分彼此慕幽討黃金鑄平仲初結賤楚草持此感人多詎復替音好深山緬煙霧大江阻淼灑安得數晨夕杯酒宣積懷聞當理嵇駕庶以徑自掃

同諸從春郊已巳

大造舒羣物春風被窈窕居群鮮歡情結侶恣幽討碧色靜如洗修條輕以嫺清氣適我襟好音睨彼鳥選席佗休暇飛觴吐餘縵高詠激微風發聲盪林杪負然羣族士抗懷躋雲表

出塞 自注時薄都門

既出關塞卒豈不慕封侯用兵已十載誰能斬一首一自遠陽失徒聞聖主憂笳吹不在邊燔燧滿郊疇即有傅介子倉

卒安所求

廟算未為失將軍懦且驕兵敗飾虛級由來非一朝
充斥軍乘誰能超穴中不撲鼠況逐焉支遙難可徵天幸身
從霍嫖姚

書生能料敵今或非其人天聽一時誤三軍化作燐牛羊驅
婦女市地含悲辛豈無諸上將雲翔何遠巡使我空荷戈氣
嗟不能伸一馳秦軍死千秋難比倫

魯連但一身引義秦師卻微虎三百人能張魯積弱堂堂天
子帥赫赫九軍幕騎日縱橫我戰何消索絕城召元戎夜
半吝籌畫賂良非虛何敢望俘馘

生別莫哀歎死別莫歔歛從軍十數載戰陣幾人歸士命不
足重所惜在國威白骨知誰掩而盼寄寒衣

寄羅文止

萬藻

庚午

妙二十一

四

臨川無恆士精修有之子結髮覲徽章惜誦中懷委王風久
沈淪誼譚不再起我嘗聆音歎古人無遼邇山川阻以長媒
拙因弱理願為廬瀑泉瀉入彭蠡水水流不別區赴海相依
止大義嚴雲日神交卑蘭芷谷音豈徒然毋忘天子使

正月二十日湖中閣上看雪

非注在池州湖心寺

散步登湖閣寒威入簷聚天地晝冥冥雲水相吞互雪勢信
威蕤氳氳起濃霧窳堵沒曾景潭鑑失飛鷺高覽亦何極虛
無恍若遇介性苦清嚴脆質恃烝煦安知布青陽蕭條不易
故歲寒未可捐持以貞悰悰

夜夢登太華失路遇老僧問韓昌黎所至處

生平覽圖傳諸嶽交胸襟俗軫日分薄勝情增遐心晦息方
窈窕結轡出華陰曾雲袖吐納踏步抗崑岑對岐苦惆悵霜
隰感素欽導跡經幽壑宵宿松霧深逶迤絕塵軌縹渺凌霞

林僧偈仰前哲霄徑逸登臨二京垂帶視三峰欣盍簪雲嶠
倏冥漢壁立怖千尋霍然驚一寤晨鐘已發音

與劉伯宗 城

共泛玉鏡潭

非注

潭當在清溪志誤注於

暮春感敬亭十年欣寤寐迴車念秋浦勝情日攢至絕壑稱
鏡潭清流瀉蒼翠理棹泝源深澄徹洗心意雲起林與浮波
平天如墜煙雨四時秋物象一朝異右軍為廣聞康樂窮高
致與子夙風期今昔無殊視願言謝朱明攀躋恣詭戲覓津
有苗裔南陽同子驥

平湖舟中坐月

辛未

孤舟今夜坐月色媚娟好四壁生靜觀深宵助幽討紛紛十
日游感茲恬以掃皎然照太古川雲同不老光遠自他及氣
虛以生灑涼襟起閨側微風瀉哀禱羣動資晦息羈人齋遠
抱廓然視無際庶以清夢考

妙二十一

五

西湖贈張天生

玄馮千秋

延年

袁則學

師孔

長雲巨千里必以觸石出眾流各翔躍靡不望海至應求匪
二理懷人發長喟夙昔契三子笑言形寤寐祝緘既心勞誦
章亦意委欣當湖上游析肝以相視長揖罄生平宣游泱氣
嗜願言各慷慨敦勉昔士義杯酒日相造蕩莽秋煙寄離合
杳難期毋忘聚以類

旅中偶感

豈有世閒傑碌碌空爾為乞交與借知志士羞稱之聖人有
深戒舍龜而觀頤予亦秉氣烈茲言失不遺一日沈淪久願
言遭未隨中夜起長歎懷烈生遐思顧瞻宇宙閒升墜視所
持時哉不可問悠悠安足知綢繆假顏色毋乃受其嗤慨墮
不足惜竈滅可還炊貞素非奇節願以靜自貽

南都社集

癸酉

皇風開浩蕩大雅時奮興結交陳古義理篤物自應雲起從
膚寸眾流以海承抗志各竊究舒文信峻增聚高能動宿道
大不辭憎絃管紛以進觴飛散鬱蒸霄路何遼闊金石無沈
升我願敦聖戒利貞久于恆

別姚子雲元台韓姬命如璜陳士業弘緒

姚子句吳秀吐氣薄氤氳生雅澹才閉戶日雕文往來陳
與吳杯酒何慙歎一朝塌秋翻惜別長江濱涼颿厲霜夜葉
隕空紛紛離獸多悲音高鳥哀違羣矧予敦情好悵焉襟袂
分川原杳無極何以接芳芬人生無常聚飄如風中雲自此
慎歧路久暫非所云

詩命篇

鳳凰不棲棘而或在其笈駢驥困鹽車康莊不得驅軒車何
駢闐聲利交當塗誰知皇路開半以馳鄙夫翁仲非不貴望

妙二十一

六

之守故孺時命不我子毋為終夜吁

之子非注阮大鐵也

之子何縱橫華軒耀通都童奴妖且妍賓客競承趨談笑有
機伏高會逞雄圖昔時既炫赫恭顯相持扶時易不自戢意
氣益腆腆寂寞道傍士覲面邈羌胡名節道所貴君子慎廉
隅一朝苟失足高陵蕩若汗所以鶴與蠅趨舍不同途

答吳去非閭禮見贈甲戌

我居萬山中懷入滌秋水與子夙心期壤域欣鄰邇前歲誦
徽音墳麓紛並美以茲勤綢繆嵇駕邈焉理積雨動葳蕤高
齋煩倚徙陶陶班尹追敢以驚星史投贈宣情素金石永相
矣

游穎谷分韻得石字

自我來丹山勝情日攢積有友修朋尊挈侶經尋經穎谷清

風披萬松擁雲宅草樹碧何滋巒岡幽以磧激蕩生蒙茸有
聲穿崖隙流波迴作潭沈徹洗心魄飛觴錯行次宣詠貴情
適氣類視所宜悠然觸水石

清密閣

相尋池上游復此水中室臨流地所豐濯纓情亦暱薄暮微
風來滿坐燭蒸失高深曠覽知冥渺靜者得鳥魚匪親人觴
行樂清密

讀周仲馭鑣十四哀

天地賦正氣浩然長久生楊魏殺身去中天日月行吾子秉
氣烈慕義心自傾一朝念往事金石發為鏗子昔曾抗疏身
廢甘退耕存沒豈不異殊事有同情今子何慷慨長吟日做
精虔公窮發憤陶令酒避名著述各有託大義古今明

和周仲馭十四哀

妙二十一

七

楊忠烈公漣

憶昔甲子年逐獵聚京陌時傳中丞疏讀之推肝魄豈期激
禍機滔天生蛭隙趙高鹿且馴王聖天方劇悲哉陳寶身鍛
煉銷金石貫木骨已糜埋草字成碧嗚呼天聽高靈念捧遺
冊忠臣不恤死要在安宗祏大義爭移宮烈風號窳窳

魏忠節公大中

魏公既通籍十年懷一衣天性好峭潔攬轡願無違豈不歎
明哲義激履危機鄭崇死規節王章僂訕譏銀鐺骨一具烈
烈生光威予也感獄對淚落不能揮悲哉賢茂才父子同所
歸

周忠介公順昌

道喪善類殃高張讒夫喜吏部千載人脫鉤良獨恥魏公躬
就逮慷慨悲不止締婚非急交用以羞儉鄙李膺囊三木范

滂無生理生平冰雪姿蟻螻拚一死天地為震怒風雷立移
徙招魂江上來惻悽滿蒿里不見彪虎儁駢儻同羊豕

高公攀龍

梁谿高夫子蹈道本洙泗當其秉憲時搏擊先臯鷲一自鉤
黨運為善無遺類皇甫恥已前景毅志亦遂傷哉故大臣而
敢煩獄吏拜表入洪流汨羅榮易賈自古皆有死烈者罹宦
寺趨游和藥來視茲無異致

萬公燦

郎中抗疏時聖朝驚一鶚誰知鳴吻張白日沸鼎鑊解衣趨
就烹談笑若綽約男兒既讀書志在辨溝壑得從龍比游豈
不賢圭爵長安大道傍千載憐孟博節甫安在哉嗟彼空狐
貉

左公光斗周公朝瑞袁公化中顧公大章

妙二十一

師丹爭傳后左公一似之給諫疏叢借御史揚其私烈烈顧
禮部賈彪行自期詎知罹一網伏慴同榜笞臬陶呼已啗刀
背徒蒙欺赤日掩圍土白骨紛支離臣生不負國臣死何累
纍而我感數公將無善者疑

李公應昇黃公尊素

害氣彌天地其驪橫要津鳴臯喙鸞鳳禱杌食麒麟兩賢厄
一獬五毒歷酸辛仲達青雲氣玉光埋作燐白安凌霄姿塌
翻委泥塵封章長不滅大義炳秋旻而我悲萬古荆聶久沈
淪仇人猶視息中夜腹摧輪

周公啟元繆公昌期周公宗建

自我涉吳會中心獨鬱陶逢人說往事深夜起長號肅肅舊
開府冰霜擁一旄太史故駝麟柱後何煎勞正氣麗金石聯
翩牽入牢荆棘豈不茂狐狸坐且噪壯士寧義死烈火自傾

膏流血地常裂騎龍天宇高至今胥水上西風怒夜濤

劉公鐸

磊落劉知府十年始一麾題詩決西市長夜使人悲秦刑腹
周內漢律意增移悲哉文字劫有道恥言危巍巍九千歲頌
德不自啗誰能呪詛死風流亦可師

蘇公繼歐丁公學乾夏公之令吳公裕中

瑁瓊非不賢喬固不免死滔滔世已然悲絕諸君子乳贗既
負隅身命一時委梅福去何之長倩勢難已悼今感古人明
詰未易擬二疏匪遭時何能歸鄉里

王公之案

先皇故神武晚孽生親披逐賊勝詭窮而敢撓明辟焚梁不
同時中立古人惜大義諒不移臣罪甘指斥傷心骨已銷遺
骸棄廣陌王成不生今絞車空悼惜太宰摧厥衷對之增嗚

妙二十一

九

監西川路未遙終為後死責

趙忠毅公南星

高邑文章傑嚴風被九州司銓有毛玠中外肅清修鴻冥三
十載澤敷未能留一朝翔雲閣黃髮禰颺弦直道不易匪
夷渙有邱須臾世事變躑躅禦遐陬周宰辱南冠商師幸纛
囚生死義不負欣從楊左游聞赦一長慟至今天地幽

魏茂才學伊

魏子著靈光趨庭樂道素天地倏晦冥長夏摧霜霧檻車不
可攀變形伏道路長安揮萬言碎首哀知故旱淚已成枯榮
書不得訴負骨日歸來覆糒絕生趣忠孝本同根君乃旦暮
遇

五人墓

高冠華當路丹轂耀里閭彼美富貴子雲仍刀鋸餘姑蘇有

烈士往往潤市屠短後傲嬰離窮巷守專諸一時奮博浪空
 知劍術疏長嘯就斧鉞賢人同載胥往來虎邱下行道多躑
 踏諒哉死士墓生王頭不如鑿注此吾師未傳之詩也先徵
 題曰天啟開諸先生作而集諸事實哀詞附其前周處溪先
 生為之序忽忽未行世稿本留箇中近二十年據山師詩草
 仍完美如故亟為錄入集中以補其闕若壬午癸未兩年之
 詩散佚多時請侯異日有心者之攬拾矣

妙二十一

十

樓山堂集卷第二十一

樓山堂集卷第二十二

二妙集二十二

貴池吳應箕著

詩

五言古

烏龍潭山亭同沈眉生

壽民

涼風起庭際延步入山隅窈窕竹林深松籟與之俱空亭瞰
潭影幽森生江湖人煙蔽水曲荷花傾日晡市塵紛以擾樂
此觴行紆嗟我二三子游處欣仰須俯仰寄杯酒永日宜踟
躕

竹亭感事

非注在虎邱

玄文方幽處旨昧謂不章貴人苟懸書里耳趨若狂聲華既
紛紛舉止皆翱翔誰辯秀言賤王風久已亡予也感行牘流
覽中心傷丈夫不努力飽食寄丹黃意當恣擴清揄挪滿道

妙二十二

唐名

一

傍一闕市意異鄙夫況高張微言不可續筆斷徒風霜

結交古人重過情君子輕世降文為事壇社競虛名張陳聯
窮巷蕭朱紛上京稱揚隨勢激意氣託聞聲嗟予察情變念
之中夜怍道契澹以穆德鄰尚堅貞慮下識貴廓物大類自
精趣舍理有別豈為浮華傾

南山玩石

新卷

山自北周南選勝情無斃歷磴度風篁開襟觸此石石勢狀
以千我契在精魄軒翔烈士胸高邈神仙宅鮮露濯孤棧雲
根蕩靈澤下視水波連為此生清液寒飆自穴來坐永消煩
劇嗟哉湖中游晝夜若奔繹

述懷

乙亥

歷春方無事觀書感慨生古人不努力詎有身後名黽勉
二毛翱翔冀一鳴四十未云暮為學蓋縱橫終童孺早棄馬

公器晚成微尚各有託趨舍理難并

舉世急干祿小儒矜詞章爛然麗雲錦誰知大道亡絕學恥非聖況以鶩荒唐所貴炳星日析義訖精茫董生蔽災異王何繆老莊微言苟未絕歧路慎軒張

事變目前見無為寄託遐議論關千載奈何趣自汗韋匡不守正通經何用誇欽永美文學兼義如土苴節烈植天性富貴本浮華生平既已失一事何能加鄙哉張茂先有書三十車

荀彧事賊曹晚乃飾名迹嗣宗躬放達而暱司馬側既為鳳皇姿胡不矯厲翼豈有騏驎德受羈于犬食辭婚善全宗至慎巧販國詠懷好詩詞能無自愧忤

漢季紀綱失處士議以橫譏評生羽翼屣履屈公卿一朝事勢極善類死堅貞太丘躬恃獄皇甫恥免名明哲豈不貴義

妙二十二

二

激身命輕禍機不可觸登仙何足榮異哉郭有道苟全負友

生
儒術非不尚守正良獨難經學在明行非以資佞奸雲劍惜不遂貢冠何足彈馬融躬作奏鄙哉邕一歎衣冠一時偉質鳴而羽鸞予也慕氣烈攬事求內安流連范滂傳中夜摧心

肝

魏晉賤守節頑傲稱通人為文事靡麗誰能窺道真六代一元亮邈焉至德鄰讀書非不解恥為詞章淪賦詩時見志縱酒亦還醇尊聖契經理狂歌不厭貧達生寓自祭深懷記避秦劉宋何能屈陶然漉葛巾

子房尚術數守正非其宜太子幾數易高臥不能規成功歸四皓君臣故詭隨碌碌蕭與曹名節安所知我故重叔孫今也匪面欺

漢宣矜法術流失任刑餘始事傲微忽積漸何能除孫程肇
極勢賢人溺載胥一朝奄孽盡國社且為墟往事有如此觀
來實可歎

任俠道所兼朱家行類儒人親僵在地原涉廢飲舖我獨悲
今世意氣輕若銖生平非不慕搔手怖艱虞一朝士有急叩
門邈羌胡談笑有伏發陷阱塞當塗所以大度士結交空躡
踏

相如射財利竊婦良不恥得志還成都縣令躬負矢詞賦工
詭奇駟馬何足齒嚴助仇友婿主父勢相倚賤貧意氣卑富
貴誇戚里大道忘寒炎達識齊通否衣錦世所榮無為君子
鄙

先民尚風流志士羞猥黷我悲典午人意識卑干瀆名理各
罪微貪鄙相馳逐黨賊躡聲華殖財釀駢僂江左多儁才逸
少非碌碌如何宣勝游徒為募金谷

妙二十二

三

憑高物所忌難居實盛名碌碌遺世譏同類稱浩英我儀謝
安石功名匪倖成雅量函恥垢鎮物矯中情古人審材分出
處良不輕如何臨事任遂以失生平卓哉李回書終當羞黃
瓊

六經治夷狄不聞貴和戎魏絳權一時陋轍古今同帝女匹
犬羊胡稱馬上雄漢文謹備邊空思頗牧風金錢不殺敵乃
以靡鄧通

南京聞易曦侯道通罵賊死

憶昔泊荻港適有黃州船心擬此船中曦侯或在焉曦侯亦
指予問名良復然夜半猶沽酒高談驚客眠秦淮一月聚古
今皆窮窶是時射策者四方多名賢時時來覘我相見出奇
篇曦侯對我歎就流物理遷慎予震矜意一善俾終全每感

良友規誦之中心鑄自君別我去闊晤已三年懲較憑尺素
絲邈悵山川豈知君死賊遽有義聲傳君無一命寄君無百
城專矻矻窮歲月閉廬絕市塵著書已滿屋次第國門懸奄
忽遭焚掠貫條索金錢謂君名下士何難質萬千君前為致
說解甲使歸田賊怒不可邇君論自便便言窮益激厲髮指
目睛圓大罵死狗奴爾罪已通天即予老秃翁何恤須臾延
頭可一刻斷氣常萬古鮮我也念疇昔五嶽崩胸前骨鯁不
在朝死綬不在邊區區徒步士爭此一髮牽招魂空江上淚
落如流泉

哭韓姬命 如璜

姬命天下士我交自班荆先時陳士業屢道君姓名及予既
見君為復盡生平君亦素矜負許我命世英晨過忘日入宵
談亂雞聲出君夙昔著恣我細彈評辨論準先聖詞賦擬二

妙二十二

四

京年僅踰四十已發千秋鏗念君別我日感君拜母情期予
更聚首尊酒即同傾豈意成永別萬里悲風生夢中路已杳
雅唱誰為賡自此腹常痛靈勝西州行

練鄉勇

子至郡邑見軍容甚威問之知練鄉勇也為作
二首自注 丙子

古語豈不信消萌以建威北寇方猖獗南人早見幾一朝嚴
令下白日旌旗揮朝為販菜傭暮已變征衣虎視四百人出
入誰敢譏吾方事殺賊供億何能違殺賊會有時爾民且忍

釗

舊營非無兵府亦役健壯何如更選士不戰使敵創我聞逐
賊師老弱匱轉鑲馳騁梁楚郊賊來不敢抗過掠虐貧民氣
驕陵主將官兵終驛騷鄉勇新跌宕古人驅市人披靡隨所
向今匪素拊循信以死長上里胥日催督閭閻相耀誑兵怒
不可邇塗膏鈔資仗區區賦幾何歲亦五千兩

過茅山乾元觀喜晤張受先采時仲馭暫歸不值

五月登茅峰林風發寒澍入門各為驚披衣道情素慙感
舊跡慷慨悲當路承學四五人趨陪淡朝暮山空茗氣清靜
觀生深悟誰因驗物理俄頃判離聚我友契風雲嬰心非塵
務悵然臨石門相期不相遇

九月寄劉伯宗

揚雄四十餘乃始獻辭賦公孫已皓首罷第還徒步爾我感
感年上書各不遇驚轡驥垂頭鷄翔鳳在笥物或使之然趨
舍貴自寤東臬有薄田適豁我情素揮手謝同游呼童理耕
具畜琴不能彈攤書敢云注所願歲常稔釀熟歡親故子才
為世希子時未為暮毋為事荏苒斷張悲歧路出處不可齊
慷慨聊一布

悼吳門有序

妙二二

五

悼吳門者悼文相國湛持震孟姚學士現聞希孟之

亡也兩先生為時綱維今夏先後繼沒天下傷之而

予不佞尤有深感焉綴以二詩

相國信公裔大廷遭復同金閨十五載凜冽標清風一朝遽
爰立身通道復窮時方工謠詠安能久置公去國懷明聖爰
心日忡忡黯淡吳閭邑悽涼象緯中斯人不可作世已摧華
嵩

吾悲姚夫子龍門世所稀東道甚嫉邪懿好篤緇衣侃侃立
虎觀矚然生清威身殆復遭遇旋轉仗先幾時方仰作棖道
與命相逢愴惻傷君子誰惜太陽微

寄徐虞求石麟先生南京丁丑

徐公千載人密識本精練秉銓類毛玠清風播區縣留滯故
陪京驚發非所羨憂國日瞿瞿接士忘疏賤大義每見申微

懷自此見予也感交禰意氣彌繼縈投書達惻愴千里匪超

病起逢立秋時六月十六日寓吳子舍文英齋中

自我十載來茲辰紛馳逐今月憩高齋桐陰恣幽肅名理喜
縱橫疑義欣往復深勞從靜生極楚攻積伏所恃意氣親沈
疴卷堅族况復觸新爽微雨蕩炎熇秋來方未央客駕戒星
夙錢塘濤已增天目氣當蓄山海覽無窮眷言仍借宿

陳定生貞慧見顧賦贈

爾從荆谿來視我虎丘麓木落紛庭階煙青覆一屋聞子日
罷勉閉門耽頌讀貫古人書批導義理族以茲懷抱深相
對氣幽肅顧我事游涉十年空碌碌抗志未一酬臨文自慚
忝天空釀氣清持以宣積蓄感歎各忘言乾坤澄雙目

朱雲子隗葉聖野襄華方雷清集佛慧菴用慧字

妙二十二

六

虎邱山色佳况在秋冬際自我憩雲端勝友日來噬宜昭自
文心慙歎根道契英絕三君子委懷無沈替石坐煙冥冥水
際丹霞綴澹焉修一尊雲氣涵襟袂觴行度量分語深慨感
繫相期匪酒親懸鑑明佛慧

京口行

前歲涉蕪江正值濟援師親見掠民船舟人亂受咎我時甚
憤歎詰問主兵誰軍官前致說予也何能為兵驕亦已久紀
律安所知勉強驅行役操束反見欺此語良不誣天下事如
斯今我蘇州來京口風帆宜白晝舟橫截焜焜耀戈旗傷子
未及死窮髮搜無遺圖書亡數篋衣裳去在笥同日劫舟七
六商一官司殺人至四五計失千萬貨長年熟視歎皆曰兵
無疑盜來恃兵捕兵則安避之欲訴聽瓏瓏誑匿非一時投
鼠忌犯器械勿厲言詞風波不可涉大江變潢池寄語行估

者慎各守家私非注子時同舟

出門成賞

我生空碌碌無歲不遠游歲終計日月家居半未周性既疾
專固學復恥艱幽所冀四海闊庶幾道相求鄰里守常見妻
子無遠謀謂子名已籍胡為事沈浮大江鼉鼉嘯九關虎豹
啾何如教里閭營飽願易酬予也聞言歎趣發不能休丈夫
不得志安能守一邱江東有好友期我山陰舟孔璋非入魏
王粲豈依劉所願其揚摧浩浩胸中流驅車勿復顧擊擢發
清謳太史不窮涉文筆安得道

和顧子方景有為作

達節聖云難介性俗所擯舉世風草偃意氣誰獨振不恥萬
年卑殊傷元禮峻悲哉何靡靡疾雷不能震君子亦有言道
或惡其盡舍垢是為君川澤納不吝所以勇者廉俛首能屈
蘭亦有范通哲片語寤王濬守鈍非吾徒識時貴傑俊毋徒
美巷伯用壯壹不慎此身匪徒然小物何足殉

妙二十二

七

嘲熱客有序

程曉是篇當是有感之作予偶觸事戲為此詩

溽暑避幽閔猶苦熱不支如何勤造謁尚望埃塵馳關者頻
設難入者直達堦予也畏嶽嶽客且肅威儀予也憎嘈嘈客
益理言詞豈真藉長蔭忘其病夏籽振拂蠅不去揚蓬汗益
滋炎炎豈足暱攘攘胡爾為願言持冰鐵長與素心期

和顧子方論交詩

大江日夜流浮雲觸石端水流不別壑雲起何漫漫一朝襲
虛譽四海傾交歡李郭肩相接王貢冠紛彈君子恥其偽大
道或未安阜不同牛驥翔寧並鴟鸞母寧行踽踽乃有離羣
歎生平朋好多雅識結交難柴桑徵素心武侯追析肝持我

徑寸意與君敦歲寒

同子方謁道南祠過東林廢跡

非注在無錫

同展道南祠心傷東林址東林何負國草生已及紀不見崔魏時金碧連雲起巍巍九千歲蓬蘞安所倚萬古此東林子無忘所始

寄定生子方

陳子起陽羨顧生鳴梁谿物分類以取理淡聲亦齊自我事交結四顧渺提攜出門冠蓋錯入室中心悽浮華滿天地大道誰登躋悵悵不可託易面馳東西何當契二子交呂而攀稽激昂有同尚澄清志不睨相去邈千里慘澹河流漸慙慙憑尺素感歎浮雲迷當關號豺虎據津翔鯨鯢幽巖困烽燧江淮震鼓輦安能事推廓况復雙眉低深山足墳典荒田具藿藜誰當忘得喪卷焉守一畦吾道不可訕我友自掇擠引

妙二十二

八

領瞻天路眷言奮塗泥

寄仲馭兼致眉生

無士不足憂憂在斥疏賤世亂何用悲所歎聽舍眩一卒感醉飽丙吉稱先見鄧尉寧多奇將軍肯受善今何縱橫謀夫怯且惰不知兵在頸高步翔閣殿國恩三百年列位服何炫諤諤誰能爭後先有同禪忠信豈必寤精能天地變所願報聖明何辭遭誅譴蒞嶺雲亭亭敞亭清且衍一飯敢忘君匪以資善卷

除夕前一日子方遣信至并得定生書卻寄

深山多寒林親人餘鳥雀貽書及遠人如自雲中落緘窮感慨增英詞何噴薄所悲大道荒長痛士氣弱吾皇自神武鄙夫徒衲鬻郊壘恥者誰近畿况列幕塞子雖區區言之中心灼尺寸未能乘飲嗟而食愕微勇魯以存連奮秦引卻茫茫

天地閒意氣徒雙託願一馳軍死盛甘老溝壑

池陽郡齋集桐城諸子分韻一東

非注郡齋今稱樓山鶴堂己卯

雅頌不可作周道今已東我生困行墨憂思日忡忡自結諸君子寄託有微同涉江紛射策文筆凌蒼穹杯酒適相造持以宣素襟馳驅滿皇路誰能扇道風願各厲秋翻飛揚氣獨雄毋為聚今夕而忘記沛豐

贈答何次德

亮功

京邑盛軒蓋出門畏塗泥閉戶復懷人中心奔驥馳造我忘晨夕好我慰渴飢俯視四海內發言含涕洟湯湯周道闕蹙蹙安所依天懷多憤烈空顧稻梁資子才秀區域子志抱艱危羞稱牀下戒而恥對麟詞悲哉當塗子徘徊悵路歧

贈答周農夫

坡

桐城方密之才自域中秀時時道農夫譬之草木臭農夫亦

妙二十二

九

好我發匣傾相授昨歲飲三左歌成落星宿今年集池陽短章亦雷走才華天所豐智略性輻輳披褐潤都城而慎中懷守大道知者稀高名俗必諾誰能親德鄰婚媾而匪寇願各秉素心忘我筋固陋

早春野眺

庚辰

出門喜新霽遙山來宛轉春風生輕煙草色滋新輦高柳鳥初曉下抱河流淺獨步愴忘歸引覽恣舒展

江行

早發清溪口暮宿紫沙洲西風拍巨浪中流不得休顧我忘夷險經年任沈浮推蓬看明月獨酌生清謳

何以

何以使兵消莫如加派輟何以使賊平莫如官兵撤不見十年來請兵日不絕兵多賊亦多未見一賊滅賊去兵肆掠賊

來兵不截撫軍節啞響鎮帥類警甕塘報習為欺上下徒牽
掣終年庚癸呼竭盡民膏血皇上至神武羣臣亦憂假事勢
久陵遲相戒有卷舌雖我懷區區天遠何能說

有客 辛巳

有客至金陵為道江南樂予言未及對歎息已開作米石近
十千積錢祇葉薄民已罄產資官不信劑約徂冬歷飢寒入
夏蒸炎燻蝗旱繼疾疫積屍委溝壑賣女懼不售割兒忍置
鏤零星秦淮游管絃久蕭索羣盜徧江湖伏戎在城郭紀法
安足規上下徒羈絡領軍八九萬空籍聞老弱况復癸庚呼
重以營帥削計部傾沈沈司馬嘗臥閣持斧第遠巡為郎恣
戲謔巍然帝者都處堂咸燕雀自我廿年來感事傷今昨大
廈誰能支微生鮮所託捐客歸且休飲嗟而寤喟

皇華來

妙二十二

十

貴客皇華來肅衣予往視寒暄未及終揮淚不能止自出大
明門人命即蜉蝣父老未見聞書傳定足紀積歲兵與飢况
兼疾疫死山左數十州一暮已罷市菜色滿四郊相率溝中
委剝齒與餒生殘忍甘父子慙邑鮮人煙縣宰但步履乘傳
驛無夫買糗得滓喜所在盡荏苒持盜賊彌千里結隊不能行
納賞過行李巍巍相君尊千金敢悟牴嶽嶽驄馬者五百先
拱俟閒關歷艱辛魂魄非所倚渡河幸及淮餘生庶足恃江
南雖奇荒猶然去倍屣痛定念前經寤中亦數起誰謂金臺
高靈飲石頭水秦蜀久破殘襄雜新陷燬殺運息何時戰爭
懼方始性命苟全難咄哉希廡仕

當塗贈吳宣伯 韓起 明府

天

十載來青山驅車恐不速今茲歷郊疇氤氳滿郭屋自公起
金闈嘉藻被南服製錦美且鮮丁解迎窳族種樹蹊忘言揮

弦意常蓄何知祝與詛但聞稱顧復嗟我汗漫游道聲浹昔
夙誦藝切誼譚況聆琴音肅過君類安邑清風澹以穆

朝發甲中

朝發上新河輕舟飄一葉暮宿和尚港南風迴歸楫冥煙拂
鼻林白波天際接變態易險夷翻覆疾肩睫去去渺難期多
畏生久涉

昨我行都市豺虎攫人食今我宿空江鼉鼉狎枕側有友罹
駭機性命實逼仄豈不壯賈彪誰能效陳寔鴻飛不可為澤
敷已布弋吾生亦有天無為徒惕息

金吾貴且倨生平雅識面晝夜承指揮搏擊如風電一朝戒
旗卒微行通情繾生為貴人非疾驅出都甸異哉雄萬人而
忌匹夫賤湯湯周道闢舉步觸繒罟逝矣信洪流茲行擇輿

行

妙二十二

寧南檄乙酉

十一

哥舒拒思禮奇計不及為懷光深快快誅祀亦借之一朝事
勢類號義江上師火雲變行陣風霜挾言詞安知投器忌貴
在快一時予也寡先識傍徨中夜思功成難可受天譴誰能
支刺虎乘俱做利漁視兩持諸君幸努力無為驅除資
袁紹奮誅卓卓燔漢不祀劉裕起討玄奘晉亦圮國家遭
百六二患相轉徙詎意周道東鹿馬復質指武昌揮義戈旌
甲蔽江水但願君側清安知前路止深山讀露檄歎慨蹶然
起銷兵詎有時所憂難不已誰觀于未然炯鑑昭前史

樓山堂集卷第二十二

樓山堂集卷第二十三

二妙集二十三

貴池吳應箕著

詩

七言古

吁嗟行 辛酉

吁嗟我生二十餘學書學劍空踟躕前年上策不得報今年
流落復如初先人有屋遭焚棄況無薄田可耘鋤父老謂我
方壯盛且復低眉穿魯魚丈夫要當立天地區區不用早瓊
瑤君不見昔人寂寂愧鄧禹至今身名等邱墟吁嗟我生二
十餘

婆護歌

非注婆護與父小字

壬戌

伯宗佳兒甫九齡能誦伯宗詩併能誦余詩且呼余
伯也因許贈以長篇伯宗亦許代報焉

妙二十三

唐

一

上帝之居何突絕中有散吏多宕跌乘龍每下人閒世世人
往往詫宿哲劉也與吳相提挈猶記帝庭同覽覽乃知今得
忝詞場為是清班曾占竊我嘗執此傲風塵佳兒難得如星
辰不知真宰何以不解忌劉也乃復挺此石麒麟嗟爾磨兒
齡甫九疏眉玉映氣如吼腹笥已儲典午前唐詩小誦數百
首謂此塾師能授之不分遂解家色絲即如庭趨頓阿好野
鷺奚其更不遺對禽辨李羞早智磔鼠檄難了不啻杜老題
詩故自寬陶翁飲酒應來啣矧予自許斯慧業好弄茲辰未
識字我與伯宗稱雁行少年郡國早知名吳氏世寧有季子
即看歆向已輸卿他年善奮垂天翻無負今時呼我伯顧我
豈緣藻麗盟溯源元共神仙籍嗚呼佳兒九歲解知詩得詩
向父亟呼奇自言不審瑤華報即煩爾父代爾為

客有示予文文山字卷者筆勢生動益真蹟也其詩為

過平原弔顏魯公七言古予覽而感之 癸亥

山窗寒月景幽艱與客評書一放顏開卷尺許氣生動圖窮
款識文文山憶昔少時負書癖典裘購得先生籍中夜起讀
不能眠一讀一淚摧心魄平原古風奇之奇生恨魯公不同
時末減希烈罵盧祀日月慘澹天地悲此詩不下杜工部豈
期書學更過之筆力要與爭坐絜點畫撇捺皆精血拂拂十
指有同符吉水之帶常山舌世稱忠義略詩字意謂區區非
所屑逢比不聞工六法芝絲那必敦三節先生一身備數器
浩氣發舒皆擅絕嗚呼此卷真擅絕

蘇州行 丙寅

蘇州古俠死已久墓傍春草年年茂萬載流風自足存如今
奮椎又屠狗諸生大哭軍門前百姓呼號奮徒手須臾緹騎
鳥獸奔天子之詔吾何有爾時官長汗浹背縲臣夜半單舸

妙二十三

走民間訛言屠一城聖人憫亂殲渠首嗚呼天下幾蘇州嗚
呼五人名不朽

悲東苑 己巳

東苑袁公平臺對自言滅 五載內天子暫釋拊髀思九塞
一時增敵愾予也感事竊致疑兵者呼吸難豫期平羌未聞
數及覆高平何人能主持豈知 今已入口疾走大梁君何
有擁師不復一矢遺夜半子反已中酒道路喧譁不可聽懷
光卒恐負朝廷宮中聖人調兵食東市頃刻已行刑嗚呼東
苑真可哀三錫承天安在哉百萬生靈售一命眼前富貴直
蒿萊丈夫殺身何足恤要使功名垂竹帛揚鑄熊王等死耳
何如當年屍裹革汝夔既斬守謙誅仇鸞不復矢一離即今
跋扈將軍在上國何人更逐胡獨使至尊憂社稷卿大夫恥
胡為乎

相公墩有千葉榴花二株花時甚盛因念其始植之日

為作此 庚午

舊時榴本大如指親見老僧植庭際距今十載人未改雙樹
已作雲霞勢火齊粒粒向人吐交枝接葉紛相舞偃蹇新荷
尚帶泥三月桃花棄如土此時此花好顏色守宮血綻佳人
輔丹砂含露未全傾解辦鮮明日停午有時煙霧畫冥冥萬
尺珊瑚碎作雨近聞京口茜如金染得紅裙那能賭人家園
子費萬緡移花購樹鬪嬋娟此花絕豔無知者寄置空門年
復年出塞王嬙比不得入道宮人倍可憐湖中水起一色天
爛熳花枝景欲然我欲拈花同一笑不知榴是九臺蓮

報仇行贈黔中陸生 壬申

灌夫一戟馳吳壁手殺父仇軍辟易至今萬載鬚眉生乃有
陸生稱嘍嗷生視灌夫難之難為奴季布歷閒關左手殺仇

妙二十三

三

露血刃右手挈弟俾生還此時帥府煽為虐生陳大義趨鼎
鑊精變日月天地動逡巡亦使豺聲卻世閒忠孝久陸沈左
衽冠裳已見今侍中之血常山舌為之異地歆盍簪嗚呼世
有陸生而後有人心

集藍園贈兩吳子 非注子舍去非也 甲戌

丹山園子水之湄水曲亭空深且漪主人醉客日欲暮高樹
雲停清風披我來十日耽游涉性情直與川雲浹世閒好友
傾人命況復淪漣動心脅布心不聞譚名理雲機那能爭氣
烈以茲二子未徒然釭盡膏殘見冰雪古藤垂蔓露欲晞深
簷瓦白烏亂號更闌月色窺入甚何處鐘聲送客歸

吳去塵 賦 寄詩西湖并所製墨

故人念我湖之濱貽書一握道艱辛墨光置錦護青身七言
不盡聲隱麟霜風昨夜發西冷紅樹曉起炤東鄰我欲持之

還相贈安得詩工爾不貧

王侯歌

有序

丙子

麥憲王達卿

建和

先生于里中營墅鑿池池固有石

鑿成而石出蔽水大辟象軀小攤鵲翻奇形詭狀不

可殫述先生樂焉構亭其上既自為記又以額使予

書之因贈

王侯解政遂初服竹里深山成野築鑿池池開石露穎先生
趣之窮根族須臾池深石益見玉筍新班驚鏃鏃眾工舉畚
不能停要使形態窮剔引泉灌之方鑑開巖壑居然倒一
幅奔猊駭獸傍側見兔起鵲落相倚伏厥狀窈窕不可名蕩
漾一勺生王屋此石塵土千萬年一朝振衣出新沐孫陽不
遇驥垂耳荆寶誰知光在璞此池此石如有待就流物理根
昔夙蒙家園子假妝成卷石不惜簞金鬻太湖靈璧位置奇

妙二十三

四

何如此石天然轟先生之貞介如石自謂此心池可掬撫石
臨流日賦詩翳然作想寧濠濮永嘉石門但在官會亭襖事
空馳逐誰其題者林下人墨光映水生紋穀先生之樂樂未
央我欲為先生歌淇澳

食土行

有序

同怕宗作

丁丑

崇禎丙子歲歉徽為甚予在南都休寧人有言其鄉
土可食者貧民恃以生問所起則神指也予疑之今
年丁丑正月去予鄉數十里中皆謂神開土倉掘食
者日以萬計其土出凡數處赤白異色予取賞則固
土也因感而為詩

自古不聞天雨粟歲饑依然米如玉中原數載寇披猖東南
征輸日溼束以茲下邑民嗷嗷斗穀千錢猶未足徽州有土
茯苓色云曰神授人爭食通都聞之信疑半予也攬塊增悽

側豈知土亦出予鄉白色壘壘如截肪有時渥丹閒斑駁要
使負戴日踉蹌東家老嫗先懸釜西鄰幼子如搏蝮共言不
復泥滋味食之不飢充稻梁萬物生死皆以土不信土可實
腸腑縱使大塊欲生人何如五穀不禁取草根糠粃豈有殊
緩死須臾土敢吐嗚呼土倉土倉漫歌舞有土不能輸官府
漢庭有詔賜蠲租為言更及食土苦

悲安慶

嗚呼安慶與我隔一水羣盜三年今兩止前年潛山太湖破
今年刮地遭誅燬石牌元旦一炬焦練潭燈前齒橫倚窮村
鉅鎮無完家戟兒剖婦如羊豕桐城斗大區區閒懸焉不墜
如卵累賊強馬飽風雨疾我兵不敢加一矢陪京援師望不
來尚方依然賜督理此時天子方宵衣那知比戶縱橫死置
郡已近三百年煙火不絕千餘里詎今垣屋成邱墟多壘四

妙二二

五

郊誰共恥更聞楚賊來蹂躪累然者睨將何抵即使郡國有
冀黃赤地枯骸那可起嗚呼安慶可悲悲已矣君住江南且
莫喜河北賊滅會有時今日江南吾安恃

非注石牌練潭安慶地名

與周仲馭

本朝空同死百年文章寂寂生寒煙後有王李爭氣象名成
亦與日月懸邇來文士好輕薄區區那必過前賢公安竟陵
亦已矣百食至今猶沸然作詩斷自元和後為文不識黃初
前我友起家未三十紅顏抗疏早歸田一朝手攤千萬卷茅
峰掩關絕市廛心悲大聖微言絕要于理義費窮研又嘉賈
誼通國體努力一掃風雲篇新詩慷慨生哀歎有時靜好亦
媚娟同時太倉張太史下筆頃刻布蠅卷華亭陳子工作賦
宣城沈生書翩翩吾邑公幹有逸氣吳門楊雄獨草玄吾曹
兄弟尚六七眼前窮達相後先今者著作吾推爾老成波瀾

見大編君不見功名富貴吾自有丈夫要令千秋萬世書可

傳

非注太倉張公溥華亭陳公子龍宣城沈公壽民吳門楊公廷樞吾邑公幹劉徵君城也

讀少京兆徐公救鄭司寇下獄疏有感非注徐公石麟鄭公三俊○成寅

善人在患不及餐此語至今足三歎今年鄭公忽下理聞之令人摧心肝丞相可以排閭闔豈無截業惠文冠道途謹譚不可聽乃有京兆呼雲端叔向不信樂王紂慶忌頭血難滌沈大臣榮辱關國體區區豈必問交歡君不見長安卿相多慎嘿言者何為不愛官絳灌沮誼誼自哭此道今人徒曼曼

耕田苦

耕田苦耕田苦插秧三月今無雨吳中水利半入五十里九見翻車舞一車灌田畝二三一車用力人六五水田高下不相及置車銜接凡數部盡日屏水水盈寸南風復吹作乾土戮力安知晝還夜赤體相對于與父下溼上炎背欲裂前呼

妙二十三

六

後和聲邪許水非石鑽索非鋸乃有鞭轡生步武東南歲輸四百萬那知粒粒出脛股桔槔幸有古人師不然滿原成薄鹵豈無梁肉厭廚養豈無絲縞多商賈牙檣錦纜何喧譁調笙理瑟半僧馭世閒萬事苦樂均不信但有耕田苦嗚呼耕田之苦難比數有苦不聞動官府中原鉏耰化為兵下邑催徵猶如虎十日不雨可奈何黍稷安能飭簋盥作歌我亦操豚蹄不及詩人美原膻

大旱歌

丙子酷熱江河枯父老皆云廿載無今年不雨已三月入秋赤日圍平蕪驕陽亢暴不可制土龍天矯胡為乎十家農夫九家哭長官坐歎空躑躅若使原田盡燬裂東南歲額何能輸只今帶甲滿天地忍見民窮吏復呼仰睇雲漢予太息安得一夕倒天吳不然移此于冬日寒者可使長無襦寒者可

使長無襦其如飢者食無爨

涇上行贈顧子方

涇上者誰顧子方眉開將相氣蒼茫讀書萬卷苦不足新詩走筆風泱泱招我六月出秋浦長榻空堂相對語酒酣夜半自起歎不恨今人不見古心嘉賈誼非腐儒有組志在繫單于生憎丞相身負國折檻朱游殿上呼以茲憑弔感今世寇燹中原躡薊豈無肉食謀者鄙丈夫低頭猶角藝家有黨名四十年中閒日月再迴天元祐紹聖何翻覆吾道危如一髮牽自傷致身苦不早坐令挪揄伏滿道大笑生乃與噲伍箕乎幸爾有同好上橋班荆語未終虎阜高談生悲風酬唱不知三歲近心期直與萬古窮長事袁絲弟仲孺顧我敢謂雙棲雄嗟我馬齒十年長上書七次空鹵莽虛名那能並顧廚眼前謂爾獨倔強文章小道何足陳伸毫拂紙含悲辛會須從此棄柔翰直驅霄漢爭嶙峋君不見錫山道南已不朽天地生人必有耦且令大雅自君還富貴其于爾何有

妙二十三

七

悲蒼溪

丈夫蓋棺論即定林甫章惇無百年袁州四明俱已矣太倉南樂今忽然蒼溪蒼溪多悲風四海何人肯貸公南北烽煙猶不息聖明日月政當空賈董何嘗負經術區區子衿胡不容嗚呼蒼溪多悲風

陽羨歌為陳其年

維崧作

定生有子年十三神明秀澈映秋潭不知胸中何所以下筆頃刻布雲嵐我來十日九課藝尺幅無多時異勢步驟三日罄王良撤席吾將避其銳願爾讀徧世閒書賦才不獨似相如我聞義興多往傑斬蛟伐虎聲烈烈後有進士吳師古墓義猶將疏草揭即如爾祖宮保公歸來前後留高風男兒生

當學賢聖況有文筆開鴻濛我歌陽羨今贈爾直羨爾父有
是子覓粟不生彭澤歎明年已似我長矣初隼欲擊驥出塵
嶄然頭角看嶙峋君不見陽羨紆挖日滿市爾曹豈是區區
人

漁隱圖為陳青谿貞達水部題

青谿小草今復出何為先作漁隱圖紫衣小艇坐秋水釣竿
直欲拂珊瑚我聞義興富山水淪漣碧色兩溪俱顧君豈是
真漁人承明直造心江湖展圖顧影時自笑高堂波浪生菰
蘆青谿可向此中呼我欲從之賦印須只今帶甲滿天地中
流擊楫誰躊躇安得澄清四海後與君共釣南山隅

丹陽道

曉發丹陽道蝗蟲飛蔽天暮宿句容邸斗米錢半千行坐皆
聞人歎息言之直使我心惻富家無租要納糧貧者勤耕不

妙二十三

得食近畿六邑盡蕭條江北紅巾甲未銷幾處無家寡婦哭
幾方征調官兵器平臺聖人近召對諤諤詞臣徒盡誨河南
矯發誰犯顏淮西不聞身請載願以所懷動至尊眼前遮日
浮雲昏明朝驅車秣陵去愁見寒原野外村

折檻行有序

南京成實慈男侍御以言事被逮友人周仲馭陳定

生顧子方梅期三明中麻孟瑋三衡沈眉生期予祖

之京口予遠不及赴因作此往老杜曾有此行也

本朝列聖容直臣未見臺省長批鱗大禮大獄杖且死郎部
翰林爭嶙峋居升既戮張英盡謬諤者誰如星辰成公感事
獨發憤報國直當捐一身杜陵小吏尚如此況服獬豸甘遠
巡臨風為謝諸君意叩頭流血久無辛

苦寒行

二十餘旬不見雨漏地江湖成赭土一朝風雪壓城頭擁絮
無能窺數武臺檄紛然筆墨催諸生踉蹌試大府眼前見誰
露頭角嗟爾塗泥沒脛股

昨聞騎薄黃河軍書斷絕一月過應知士卒指盡墮誰惜
將軍鬢雙皤北風直北無時息寒似江南十倍多即使江南
無衣死強如比屋死干戈

方密之

以智畫天柱峰圖相贈作此還答 己卯

我聞天柱之峰高百仞虧蔽日月槃星辰精靈下降有方子
筆力要與爭嶙峋一朝作圖來贈我意象髣髴含蒼髯嗚呼
方子何奇傑世閒好事都精絕學書直造王右軍作詩欲與
工部絜棄為小道云偶耳我曹立身有大節此時四海盡煙
埃鉤黨纒寬騎來南京狐狸號不息燕雲關塞已全摧平
羌無人朱游死誰能諤諤諱平臺卻重君家有召虎三湘七

妙二十三

九

澤藉安堵憐君表餌未能售顧我何人假毛羽即今相遇市
塵中夜半酒酣共起舞寫圖貺我何敢當振衣者誰君在岡
安得從君排闥闔手扶雲漢掃欂櫨不然挂此一幅日相對
愧我雖有素壁非高堂

我來行贈侯朝宗

方城

我來秦淮五月終於時佳士已雲集就中朝宗年最少四海
心知但一捐文章詩賦無不工下筆雷合風雨翕三朝舊事
久沈霾爾復精心為理輯眼前闢肯何忍見從風草靡誰獨
立畿南已作戎馬郊江北蒿萊滿郭邑反書日達司馬門丞
相充耳何能入列位啗啞道路目拱手新參仰呼吸吾皇神
聖試共繇決隄那知不可及嗚呼朝宗何愚哉李蔡為人中
下才心肝勸莫學逢比詞賦何必擬鄒枚直須不聞天下事
拱嘿閒復雜談諧如此低眉但數載眼看富貴立崔嵬君不

見似我倔彊還如此于意于意今復來

無雞行有序

陳士業

弘緒

自北來為子言

即村落有雞者皆自殺之益官軍聞有雞聲處必行

抄掠其暴甚也故人家數百里無雞陳時為晉州

守所目見者予感而作此

陳生酒酣慷慨泣為言

去年入督師盧公已死綏觀容

高監兵難輯撫軍白谷號能師所過猶然騷郭邑

過猶可兵殺我兵勢燎原烈於火入室那知他人妻掠衣何惜道傍

嬴去村煙未盡墟兵來十室九家播有難立撲不使聲此

聲不惡能致兵幾州籬落寂停午幾家板扉晨不明可憐畿

輔化僑後數百里中絕吠鳴晉州城外無雞號濟南城裏草

萋萋棘門霸上徒兒戲將軍有令久不知若使一人能辨此

何為四海盡潢池

妙二十三

任邱行有序

丁郎中

耀

遇任邱得不死歸言其事因作是行

丁郎奉使至任邱是時

馬風雨至任令倉皇設城守鄉官

一錢不肯出須臾四野盡烽煙

未薄城民已貳可憐城陷

肆焚掠出入縱橫皆異類官廨煙消一夕中

酋沈沈居甲第金帛刮土窮搜求婦女比屋恣淫戲老弱誅死丁壯械累

累相牽同起竦蛾眉從

不識羞曉妝猶然施粉翠首居侈

然有主臣會飲席地羅金器有時會徽復一出貂帽短衣從

數騎一繫郎至首前叱使屈膝郎裂背問即何人郎大言

五品任官今奉使萬金買命無一錢兵在其頸者數次適有天幸郎不死赤體開關備顛顛歸來慷慨向我陳

何能為我自易嗚呼任邱小邑何足哀山東藩國已蒿萊即今已

飽颺去何道能令不復來己已于公亦已矣樂陵小令安在哉

誦經行庚辰

西方妙道超空色福田利益難得稍修其法了死生假託
往往藏癡愚受戒嘗為聚眾資焚香偏使愚人惑或言劫火
當盡燒或稱再降有彌勒勝國昔年起無為豈知後來兆鼎
革近日山東來白蓮掃除大費師武力乃知作賊多誦經未
聞誦經可殺賊督師楊公總六師小醜何難滅朝食不言兵
法言佛法亟請誦經奉詔敕古人一言敵愾生此舉豈不曠
軍實若使賊聞必大笑空王何處行誅殛臺諫那能痛哭爭
大臣吁嗟相閔嘿予始聞言不敢信及覽邸書增歎息桑門
從此九重開鬼方何必三年克嗚呼即使誦經安反側世間
豈有佛社稷紙上空言尚如此何況有骨來西域君不見潮

妙二十三

十一

州刺史古錚錚又不見龍場驛丞在正德

楊枝歌有序

妓有某者從人近三十年夫死輒嫁勢家其事可感也所從者曾與予交為隱其名作楊枝歌

君莫癡君莫癡請君聽我歌楊枝茗上將軍莽自負楊枝纒
作金銀絲解稱詩工臨池對人嘗恐不能知來禽青李隨手
帖黃絹色絲絕妙辭十五相從今四十白頭偕老不須疑豈
知將軍一旦死楊枝忽向他家垂將軍自昔教歌舞黃金珠
玉寵嬌姿今日楊枝飛絮去華堂冷落如茅茨五侯驕奢橫
勢力如花小婦夾階墜麤豪那識謝與衛但嗤楊枝今已衰
楊枝嘿嘿不自得今夕何夕此當時侯家富貴吾何有將軍
恩愛空尋思嗟楊枝嗟楊枝水性空勞不自持未幾踰作路
傍落人生見此增感慨手折柳條棄擲之丈夫意氣有時盡

千金何必買蛾眉

答贈余澹心懷 辛巳

南京佳士如山積誰攬雲霓手自壁讀君文字歎君詩風神
沉在藐姑射我居秋浦萬山中一朝避亂浮家宅虛名往往
動都人負郭猶然錯履烏自傷潦倒風塵中心知逢迎真無
益假館君隔籬落閒獨喜素心數晨夕贈我七言覽未終白
日空中走霆霹感我致身苦不早知我多憂嘗腕溢即今詩
格久蕪靡何幸得君掃巾幘相期于我何有哉將毋因此生
羽翼

雒陽行

神祖昔年建儲苦不早于時言者棄官如輕草東宮既立王
當封誰云母愛者子抱攬圖按籍狹魯衛帝曰無如河南雒
陽好即今堯仁睦九族雒陽祭酒稱尊屬几杖未聞賜吳楚

妙二十三

三

礪帶藉辭表邾鄒豈知賊至山河崩白頭老王遭慘毒靈光
一炬作煙銷黃金滿屋等秋漂累累宦官屠羊豕宮女如花
逐絮飄天下聞之盡嗚邑九廟震驚至尊泣為問閭外誰督
師丞相不聞請削級朝臣痛哭那敢爭腹大鞭長何能及去
年賊已敗興安露布誇揚墨未乾練饜已靡七百萬中原郭
邑十九殘親王既殺名藩陷楊相猶能第一官嗚呼多壘不
聞大夫恥舉國誰為鬪伯比屈瑕必敗請濟師今之肉食謀
者鄙我悲雒陽悲未終又聞楚客悲襄水

襄陽行

昔之襄陽攻千日平章猶然鬪蟋蟀今之上相親視師城破
不及朝食時瑪瑙山前無匹馬浮墮名藩誰為者要以虛言
動至尊禍遂罹于高帝之子孫方命圯族敢逃誅一死猶將
肆矯誣直使天下萬世之後從此盡喪其廉隅嗚呼武陵楊

相誠可哀忘親負國何愚哉清澹有士尚未死豈知身已委
蒿萊身委蒿萊亦已矣襄雒二王何以相見于泉臺

薄命辭

妾薄命恃君寵出身膏沐天下奉裂繒不博一時歡忍心白
骨成邱隴主恩既重災亦深紅顏掩面生悲恐君不見武陵
楊相公顧盼猶然一世雄高唐無復重相遇五年富貴如飄
風

妾薄命負君恩起自外庭承至尊如山珠玉苦不足人情已
作波瀾顏色未改君心變黃金不負陌頭魂君不見韓城
薛閭老一朝被逮身不保當時自顧傾城笑那知性命等秋
草

大雪五日矣旅中即事偶憶歐陽公會客詩用其原韻

自注其序曰玉月梨梅練絮白舞鶴鶴銀等事皆請
勿用

妙十三

主

荒園枯枝未敢萼寒風怒號勢相薄三日雪下不肯休四日
五日復大作開窗飄灑冒几席灑漫川原增寥廓出門沒屐
已及膝炫眼光痕畏閃爍當塗有友攜具來轟飲直至燈花
落酒酣氣震各慷慨陶然不異龔貉貉仰窺簷雷吹不斷起
看竹壓如搏攫更深客散晨鐘鳴但有空林喧飢雀高臥不
知午爨餘令來相招畏躡屩慰我旅況備苦嚴我笑十年無
此樂何以解醒不須酒松茗亟使敲冰淪坐觀風濤狀滾滾
直覺天地冥漠漠偶憶六一汝陰時墮指猶能整予禦禁物
敬望前賢工詩成欲令後人噓

歐陽詩體又次東坡韻自注序云歐陽公賦詩禁體物
語于艱難中特出奇麗邇來四
十年莫有繼者自蘇公至今則又五百餘年矣

空亭無人掃積葉我來十日五日雪寒風作威晝夜號一朝
瀾漫勢不絕極望川原已失迷低頭竹樹皆摧折出門但覺

人蹤稀索米恆恐竈煙滅已無高士能僵眠幸有仙令餽不
掣客來攜壺共傾倒更深窮燭邊生瀨清歌紅袖欲迴風高
譚逆旅驚飛屑爛醉那知街鼓沈擁絳曙光驚一瞥呼童爨
研為題詩歐蘇千載無人說三寸不律最刻嚴物狀誰敢犯
冰鐵

歐陽體又用東坡次子由韻自注序曰仍不用皓白潔素等字

晴陰何用灼靈龜今日大雪前日知寒雲起凍天地合嚴風
作勢晝夜吹飄灑無聲先慙亂少閒枯條如染髭衡宇一夕
變規制江城四面無流澌俯視坑谷平凹凸仰睇窳堵失孤
危茫茫原野直冥漠推窗細視裏游絲乃知造物真難量此
事豈關巧力為夾徑脩竹垂欲折亭亭終不借扶持衰安僵
僵自天性那羨仙人姑射肌攜壺顛倒仗朋友擁鑪擬物羞
女兒且喜入地螟騰死占豐明年夏秋時衝滑難擬幽人迹

妙二十三

古

經戶誰窺高士帷但令閉門嚼冷冽竟然不改冰雪姿一朝
杲杲驚見睨滿眼炫晔光瀾漓天半蛾眉邈難即當前濤勢
生階墀萬戶埃塵承澣濯建瓴直使草木披屈指十日歲行
盡歸騎還當帶溼馳吹笙伐鼓吾何有相酬辛盤倒瓦危簡
點詩篇禁體物志與古人相追隨千載歐蘇敢再遇予也何
人足繼之

封侯行 甲申

男兒封侯在戰力此語令人增歎息國亡主死將軍封封侯
何須見一賊黃金有印大如斗不殺賊奴亦相逼嗚呼朝廷
所貴非爵邑區區意在安及側君不見昔人手握天子璽丞
相如有驕主色

大風行 簡周仲馭獄中

南京九月大風起木拔石走怒不已太平門外谷夜號玄武

湖水躍過九豺狼滿市攫人肉不知天變良有以華陽先生
整衣笑泰岱崩前若無視昔賢相戒莫為善區區豈必達玄
旨萬年書見天日清鳴琴聖人亦在理



妙二十三

室

樓山堂集卷第二十三
野人肉不啖天機豈肯心
自漢子書夏天日漸加
意本矣處外真前欲無
善賢昧然其善區區豈必

樓山堂集卷第二十四

二妙集二十四

貴池吳應箕著

詩

五言律 一百三十九首

有感 辛酉

誼策能答說軍纓肯係朝讀書嗟往事懷抱愧吾徒直北方
傳發江東但索租秀才僑胎在可漫老菰蘆

邱中坐雨寄劉子 城湖心寺 壬戌

入郡一旬雨盈街三尺泥旅愁不可折城雉若為低何處鐘
聲遠相聞湖水西美人清夜坐芳草自萋萋

陶家山眺城外山水 自注池州城外 癸亥

高眺俯城平千峰晚送清不知春已去欣見水方生煙樹初
無定睥睨若有情人家能幾點歷歷遠光紫

妙二十四

齋中夜雨同劉 城得清字

入夏陰猶積深齋雨夜生寒風空碧落虛氣轉幽清爾我宜
相對階除得此聲情親兼旅寂閒傍一鐙明

代愛妾換馬

紫塞忽聞秋紅顏詎可酬壯心君自遠薄命妾何求骨有千
金好恩無一夕留願將憐主意躑躅付驂駟

村晚

龐公非就隱謝子雙行山暝色隨秋澹歡情對雨閒牛羊知
日夕漁釣隔谿還坐待前峰月柴扉夜不關

村曉

雞犬林初曙藤蘿月尚殘青楓流翠溼白露浸嵐寒滌蕩天
如闢微茫氣欲團所居秋自迥拄頰試前看

齋居 非注在暫園東南數十武久廢 甲子

結屋到雲隈，雲深護碧苔。一門千樹合，三徑萬山開。天地觀常靜，詩書抱不迴。曼聲長嘯處，朝爽若傾來。

不知人境遠，為得鳥聲幽。卻掃門雖設，欣看水自流。雨消三伏暑，樹帶四時秋。抱膝誰能識，悠然寄遠游。

銘陋真成室，披帷乃有人。潺湲鳴石髓，薜荔挺松身。几亂風吹帙，苔疏月欲勻。時令物自會，高詠入青真。

出郭登湖山，頂有雨勢。自注：山在池州西門外。丙寅。

出郭偏宜曉，盤旋得幾羣。雲峰相澹遠，天地始氤氳。積暑朝能散，平湖雨欲分。因高閒指點，江影練為紋。

渡江自注：往河南作。

曉日晞初澹，霜風力漸微。舟分南北易，帆認去來非。一水流寒色，千山湧靜暉。浮沈應暫爾，莫看雁還飛。

七十里鋪

妙二十四

不到汝南路，那知江北塵。計程七十里，其我二三人。主客憐投店，風霜感駐輪。相傾猶濁酒，莫漫說艱辛。

六安道中示王子心睿

雪霽寒仍積，霜征興欲闌。莫因山邈迤，不信路艱澗。漠漠蕭條意，行行近遠觀。前途猶共爾，相慰有加餐。

汝寧有念老母，不覺泣然。是日立春，非注時。王乾純先生為汝寧守。

作客忽殘歲，違親況度年。慈帷依遠夢，官舍獨幽悃。未信句萌動，方驚鼓角傳。天涯慙故水，情切倍潸然。

除夕憶諸同好非注汝寧署中

數子傷離別，天涯念德鄰。臨邛方重客，王粲暫依人。對酒思當夜，新詩好近春。年華容易度，意氣遠為親。

下第後汎舟赤石磯，見石間有鍾王題鐫，因步其韻。水落流餘半，秋殘色未刪。偶來忘失意，到此即深山。句使人

親石煙為影結囊不知喧欲近暝盡未能還

友人汎舟至齊山

政在秋冬際更宜山水閒因舟得濟勝觸石可開顏攬眺情無極蒼茫色帶殷持杯亦偶爾新月待人還

秋浦

非注去城西西南七十里

秋浦常秋色秋殘色更深為疑煙是雨不盡水生林小艇如行鏡長天可挂襟與誰齊蕩漾遲月幾迴吟

酬內

三別徒懷玉十年空上書那知余骭髀不盡爾欲啟安石言相戲仲卿氣欲舒他山猶覺遠閨內得磁磻

負郭

戊辰

負郭深深巷蓬門盡掩扉那知人去遠翻訝信來非柳亂情無定花飛意已微刁環空見贈心折未能歸

妙二十四

三

舟過方山

江路方寥廓河流又一航水容生以曲山勢總為方四面傾朝爽千村抱夕陽古今仍王氣擊楫自滄浪

十五夜月獨坐

月色四時有良宵獨在秋庭空誰與對坐永自為幽萬里無雲氣中天似水流偶然驚竹影零亂發清謳

十六夜共子相諸從小飲

昨夜月如在今宵酒更宜寒光杯自有素影共為持匹練生千樹空亭鑑一池莫辭更欲盡長此慰秋期

宣城留別沈眉生

壽民治先

壽國兄弟庚午

積雨動高林留人意自深二難誰可並八詠到于今燕市存軻漸關中識布心踟歌何處斷欲別未成音

應試南都伯宗祖別清溪

逐隊七千士上書十二年感懷唯我友惜別更駁然劍氣林
陵道花期九月天未知秋有色溪水若流連

風阻荻港集楊子儀守備幕府清音亭

我以懷人至風能贊客過敢操吳趨曲而聽郢中歌白浪浮
睥睨清音繞薜蘿酒長頻引劍看爾洗天河自注亭有洗天
河處

繁昌舊縣阻風辛未

往來此舊縣風雨獨今朝江路因秋迴羈愁以慣消藏舟深
藉柳沽飲助觀濤鄉客無端聚呼同語寂寥

九月十一日金山寺

天地此江心浮沈自古今波光湧出寺雲氣變為林四面帆
檣影一叢鐘磬音往來何足問吾意獨高深
山自江中立水周寺獨奇不知曾擾攘到此即孤危秋遠心
生寂觀高世盡卑登臨如得數四序總佳時

妙二十四

虎邱

四

出郭紛相逐尋山此獨幽四周環聚水百尺坦成邱石磴平
生照林煙靜欲流閒觀人自遠不盡客吟秋

半塘小飲沈聖符

應瑞舟中同趙我完自新吳扶九

野水平輕岸空明沂一船林陰層入鑑秋氣澹如淵不盡琴
書潤相遭風水漣棹歌何處發杯酒亦同仙

虎邱許孟宏王惠常見過信宿

壬申

涼風起山曲二子意何深到此同禪寂坦然喜足音兩餘消
暑氣朋好助文心何以生虛悟鐘聲雲外沈

游澹石園同諸吳友分韻得奇字

非注前山吳也休盛
甲戌

首夏陰常積尋幽入谷宜乍驚山欲合踏步路生歧梵室開
金爛香龕鑿鐵奇不知入境遠觸石可增思

主人曾未問徑埒若相期慘澹知心苦經營到眼奇行廚實

竹盛清籟接林移雲族誰相造游絲淨酒厄
亭敞層巒曲簷臨眾木卑巡鶻捐使令品石喜參差人靜觀
常廓躋高意戒夷相看忘辨處雲自變峰奇

碧園

非注在商山

何處游頻好藍園更碧園竹涵秋四季石照浪千翻花氣消
醇酒林陰正映門孟公知客意風雨更煩喧

與石居贈吳去塵

批

谷口原留鄭蘇門亦有登徑幽松作使意靜石為朋好事情
偏劇多能理自應不因時中聖誰識澹于僧

至白下周仲馭以新詩書扇見寄

周子躬耕久嚶求意不衰照人猶古道投我好新詩白月入
懷見清音擲地知淮南山固小吾意在明時

鎮江阻風登北固山

妙二四

五

京口迷煙色蒼蒼直一來停舟不記日力疾亦登臺山勢如
相待江流去不回秋心寄杳冥極望使人哀

昔泊金山寺今來北固山登臨如咫尺迂曲亦閒關步散徐
開抱觀窮欲壯顏偶忘風力勁不盡樹潺湲

游西山

氣爽偏山曲因舟濟勝宜有峰皆笏插無地不煙疑宛轉誰
營野蒼茫我寓思秋深天易冥遲月一帆隨

湖上逢馮水部給諫兄弟還朝予規以書受焉因復贈

此非注馮公元瞻元臆也

寥廓此湖中相逢偶鉅公善人能受盡直道恥為同瓊固友
生意野王兄弟風明時看努力忘我獨飄蓬

寄巖印持

調取

西湖兼問子岸

乙亥

自昔風流在高居靜若禪曾蒙十日飲尚缺一書傳鶴嶼秋

誰問鵝經老更妍

自注嚴工顏魯公書

過庭應閣筆魯殿可巋然

和州丙子

高皇昔神武和州初濟師豈知壯哉縣遂爾汗為池汝頽空
連絡江淮斷鼓鼙殺人十五萬莫使聖明知

江浦

浦城猶未戰遂有捷書聞不築封京觀先歌飲至助死心益
士卒生氣實將軍寄語從戎者皇恩尚可云

范異羽先生雨中招聚鳴鳩亭分青字

何處可占星鳴鳩聚此亭林園不厭夏風雨更為青有客爭
能賦如公恥獨醒莫辭賢聖意相對有沈冥

來說

來說中朝事鈎連復黨人世情非反覆吾道本艱辛好士誰
元禮狂生幾正平城門如入告鞭撻豈威名

妙二十四

聞警自注時方應試

聞說氣惡都城不解兵邸鈔三月斷臣辱幾人明戰氣方
消索文場費論評七千君子誰不愧長纓

己已冬閒事言之氣尚吞那知薪厝火又見當門丙吉盛
先識平原敢復論祇餘平志有淚注清尊

出師自注南兵勤王

直止烽方舉江東士本驕主恩誰獨報戰氣已非朝卿子猶
高會秦師不禁冀將軍肯受諫莫漫且乘輅

借問臨戎者云能讀父書可聞司馬法曾慣習兵單士鬪今
知幾軍行且自徐誰當如蕩賈先事已成歟

題貢院壁

自注三場草策完以餘墨書之

自我低眉入蹉跎二十年臨文嗟戰螳仰屋想飛鳶意氣何
堪此功名況未然徒憐常抱足起視月初圓

聖主方憂諸君正第文吾能言餽表誰遂假風雲鷹隼時
思擊驛騮本絕羣不知長太息天遠可曾聞

張爾公自烈自燕中赴友人難還歸南京書來言有刪
選之役非注友人袁公繼成也 丁丑

寥落懷張子衝寒自北還善人曾解患鉤黨正相關對酒存
卿漸臨文憶尹班王風今未萎遲爾更爲刪

嘉興聞信

莫問傳來信言之意轉傷壬人盃失算聖主正當陽日月霽
如昨煙雲過已茫相持杯酒在清夜若爲狂
偶憶先朝事升沈理不殊萬安終罷相福達可逃誅蕩蕩原
無黨悠悠恥學愚斯民猶直道莫謾悵楊朱
敢以通儒號居然費論評丈夫能慕義聖世忍逃名袁郭無
朋友褻融有弟兄吟秋吾自笑意氣向誰傾

妙二十四

七

感事贈張天如溥虎邱非注時寓雪河之竹亭子同在
寥廓相逢處金閨氣正秋誰疑吾道詘偏繫客心愁門夙高
龍號車寧避鳳謳譏人天地窄有北未堪投
自古論憂患賢人受獨奇上官空努力孟博已殊時著作當
今感聲名付後知吾家麟未絕筆斷不須疑

虎邱同仲馭眉生

天涯惟二子作客偶同時草木十年臭煙雲一棹隨素心留
石照高唱動林枝不盡深秋色清尊日夜持

次韻仲馭將游黃山留別虎邱

與君十日聚山色往來中對字歡相接論文愧未工不圖黃
海去猶幸虎邱逢搔首懷清夢林聲夜夜同

雨中過邱天民民聽留飲同陳百史名夏陸履常坦用

侵字韻

懷人方命棹風雨動秋林
溼臨蓬戶披帷對國琛
酒杯三徑客漆室四人心
坐久忘深論城頭暝色侵

酬湯薦玄廷植見贈

綠竹覆閒院霜繁葉正摧
覺然聞足喜復此好詩來
白露宣懷抱清尊注酒杯
知君龍劍在拂拭為誰開

得梅惠連之頌書因送王在明都俞歸麻城并寄

梅子書來好王生見復奇
論交還後笑因別寄相思
張楚功當並游吳道不疑
將毋對杯酒贈策笑江湄

留別陳百史西巖非注在竹亭之西

與子相逢日吳門秋已淒
紅衣猶未獻雲石共曾題
射瀆楓村暗孤帆霜日迷
同持尊酒意深論在巖西

五十日作客一千里為朋
論高非動俗意澹已宜僧
爾我悲風雅文章恃降升
相期還瀨浦書札壁雲層

妙二十四

夜飲楊維斗兼言別

楊子談經處頻來醉酒深
共將文字飲宣此歲寒心
我以游為寄君應道自欽
詰朝回看處惆悵動陰森

舟夏戊寅

入暑經三伏舟居已半過
晴陰忘忘月日寤寐狎風
波泊港蘆容膝聞聲櫓和
歌江天南北迴飄蕩欲如
何

有懷仲馭

久客懷吾友天涯更幾人
忠曾犯明主意獨軫斯民
梅尉逃門卒陶潛漉葛巾
安時多著述莫漫擬沈淪

定生見訪子方家

客裏秋風起荆溪短棹開
以茲思呂駕復共醉融杯
二子真難並三人不速來
空庭當夕永相視各于鬣

定生以沈眉生疏草相示

索米長安市羞稱待詔臣懷忠必我友羈旅直批鱗賈誼真
先輩羅倫恐後身臨風同一讀相對語艱辛

楊中翰招游錫山

爛醉惠山酒清心第二泉楊修今好客習郁又移園亭蔭藤
花亂池風荷藻壘雲根時倚徙新月待娟娟

陳水部園亭

何處逢蕭瑟高亭秋已疏一園涵岱華三徑隱河渠檻曲香
生遠林深月到虛從容忘主客敢謂即蓬廬

泉石隨人勝經營以地宜元方原有弟水部況能詩過客誰
題字忘機但酒危煙青看葉下不盡照生時

此地林塘徧居然小一都賜書雲滿屋築野意為區移自愚
公谷游堪宗子圖何當穿竹裏清夜盛行廚

南岳別墅為吳問卿作

妙二十四

九

谷有延陵墅蕭條秋更清我來不問主勝地久知名萬竹青
雲覆雙溪匹練明潺湲聽未絕石髓澗邊烹

名節存三世東南第一園屋從林杪出石自檻中罇曲曲香
生徑枝枝月到軒不因培護遠誰識挺雲根自注問卿祖父
為安節徽如兩
先生

八月十五夜與定生看月南岳

佳月隨時有良朋似子無愛山同此靜命酒不知孤竹密清
生籟松將影入圖寂然何所語相對意為輸

住南岳三日矣十七夜吳問卿復移具看月再用前韻

月出疑前夕山光乍有無人原安寂歷景自助幽孤對此一
庭色猶堪三笑圖客來忘信信知復為君輸

次韻留別定生

爾以札為友子慙蔡授書深交原自淡談執直為餘黯矣池

塘碧蕭然柳色疏丹陽秋滿路清夢欲何如

贈劉幼濟 廷鑿

探玄吾豈敢問字爾何求譜以齊名重交因累世留庭趨原
二仲姓著自三劉年少今誰勝爭先是上流

臘月八日同劉輿父 廷鑿 過相公墩因觀所作新隄

不到湖墩久今來問水潯天空餘野色僧伴只疏林為有登
臨暫因知歲月侵與君同憶昔鐘聲杳然深

平湖真浩淼水落但遺墩荒寂今為甚瀟湘意尚存天吳誰
倒使地肺可孤騫萬鍾工方具波瀾勢已吞

成都張紫城 榮垣 先生貽書及詩卻寄張前令子貴池

懷我張夫子棠陰久繫思猶留秋浦玉況足浣花詩出處原
非偶安危視所持彭宣今未老獨許後堂期

得眉生孟璿朗三書卻寄時眉生以抗疏歸不復就試

妙二十四

己卯

十

良書來故友發讀意悽然共負求聲意誰傳招隱篇馳驅須
並駕出處景前賢我亦浮沈久躬耕笑未堅

南京寓鄒滿字 典閣子 非注在金陵柵子時同寓

我亦耽幽者都城問索居許多高士竹窗卻故人車野色來
千雉清音隱一廬觸蠻吾自笑蓬蘽可逃虛

關自林梢出蒼茫雨更宜到門猶水泊極目盡煙疑客有王
猷好人原鄒子吹牆東如可惜或恐遂棲遲

訪伯宗靈谷寺

出郭雲煙香林窮徑轉通山餘不盡勢谷有自來風王氣留
松柏深心倚磬鐘疑然知復喜許我亦從容

過周仲馭萬松巷

遐情惟我友暫止一禪林為有生徒樂能增道義心陶陶沈

月魄謾謾坐風吟不是攢眉客相尋意獨深

城南舟中非注在聚寶門外

自我來京國蓬門履為盈未能齊得失而苦學逢迎悅性無
如水忘機敢避名依然城郭近徒賦濯纓清

前月秦淮夜深懷數子俱情猶狎寤寐事偶學江湖挾策徒
工瑟求官未棄繻海鷗知不下秋色隱菰蘆自注數子為定生子方辟疆密之朝宗也

一帶城南色煙雲傍小舟洲分白鷺古樹入赤磯秋上下隨
波去東西視蔭留鴟夷吾曷敢或恐遂沈浮

七次書空上今來水作鄰羽慙鵬鶚滿情覺鳥魚親直北烽
方舉京南士用賓吾儕誰共濟擊楫待江濤

棲霞寺

覽勝最秋宜空山更發姿石身天變化林色月參差采藥非

妙二十四

十一

吾事扶筇且自隨六朝雲外躡草際臥豐碑

送傅元之如圭應薦北上

送爾燕臺去忘予失路悲那知千里別不盡寸心期言事羞
徐樂和歌憶漸離明年春有信凋悵問南枝

酬別李叔則楷西歸

意氣許誰重惟君念友生詩猶言北地家偶寄南京月浸淮
亭影風摧江岸誓不堪間鴈渡萬里悵宵征

即事庚辰

春官首舉士藉藉語都門遇合今尤異文章道未尊可知緣
鄭五上第詎公孫寂寞三千士飛揚敢復論

聖主臨軒試諸生破格升風雲真不偶口舌自為騰未便非
優畜還來侍從稱豈無懷國士容易受殊恩自注時新第者遠有翰林臺省之擢

王師今報捷賊已敗興安逋寇何能熾天威久未殫願言滅
朝食然後築京觀文筆知誰健淮西石好刊自注督師報破賊于瑤瑤山論者皆疑不實

中使頻年出高牙一日收即看諸節鎮仍繫大長秋壁壘觀
應改衣冠氣欲適窮天知主德扶杖滿郊疇

天子重憂邊中樞若置傳誰知大司馬度越漢諸賢三說言
猶爾千秋事偶然自注用田千秋事無方惟聖祖今昔語同年

寄侯朝宗

送子北歸日江湖淚泣然草滋今歲碧月憶去秋圓家宅吾
如寄烽煙幾處傳何當高李輩詞賦競梁園

柬顧子方

別子蕭條甚春風柳已絲猶憐前歲月獨照惠山時世盡聲
相逐誰當道自持片帆東下日許我共驅馳

妙二十四

答劉浣松

明遇

寥落劉明府猶然諸士風友聲勞寤寐被服獨從容白下聲
相倚浣谿調復工看君珠玉擲忘我獨飄蓬

賈家園同梅惠連

最憐春暮色落日貯晴雲以此荒園廓能消近市紛行廚穿
竹至高坐接簷分共是羈棲客情親獨有君

送涂德公

南吉

兼問黃石齋道周先生

昔日陪京裏因風識次公十年懷寤寐九死說從容獄急疑
朱建名高得孔融關西豪傑盡曾否許江東

郡邸除前一日伯宗餽酒時予將欲移家

作客忽云暮唯君意獨親萬方悲戰伐吾輩感風塵衡宇求
相望盤飧愧屢陳明朝容易度莫訝歲華新

四日同伯宗公儼與父子相過相公墩

辛巳

湖心嘗寂寞喜過必吾曹此日能乘興逢僧即遠羈晴吹生
戶牖積雪隱林皋為讀十年詠題詩愧綵毫自注予十年以
來題詩此處者
最多

我友相尋至春風生野煙未知能免俗不是愛逃禪寥廓須
身歷波濤想目前因談夙昔事興廢欲潸然自注夏月則湖
水盈漫
一墩通寤寐廿載狎招尋不記登臨數寧知歲月侵瓜茶捐
禮俗鐘磬盃朋簪翻笑攢眉客何能損道心

寄懷大司寇鄭立嶽先生

自與鄭公別三年又復過履聲留躑躅詩詠想磋磨道以成
功退憂因感事多將毋念牧叟空抱切雲峨
海內論前輩如公更幾人四朝名節在三徑物華新入夢
多壘逢荒笑賀貧有心吳季札觀樂向誰陳

送方爾止文赴安廬蔡憲副之招

妙二十四

三

淝水勤為駕春風草色熏上游方用武傳檄必高文豈即依
劉表應知借陸雲亂離如有賦江北總難聞

北望癸未

北望悲燕薊多憂啟至仁風霾天有意河竭地無津死者量
如國人猶火置新詩書難可信雲漢欺遺民自注祈穀日風
變天地為異而
運河適枯渴

聞說雒藩破敷天淚可彈人咸思厚澤世不幸多艱上相言
猶誕中樞位獨安羣公何寂寞能不付長歎

聖主真堯舜憂時試鯨鱗不因思浩蕩那識技躡跚隼射誰
能用妖氛未可殫敢疑世喪道天祚多人肝

河北人相食江東米若珠邱鈔一月斷烽火四方俱汎宅難
言智移山啟學愚傷心天下事身獨寄菰蘆

江寧鎮旅舍與鮑曼殊論詩

殘冬投野店況復感秋吟濁酒寒銜夜高山流水心相輕原自古大雅到于今明遠知還在忘予感歎深

近事示姪子相甲申

近事傳何限悲來喜亦因方興占白水未滅恨紅巾司隸儀思漢先生恥帝秦敢憐奇偉號葵藿抱江濱

否泰何曾定玄黃又復爭晉臣心不競漢相氣先盈我亦生

三戶誰能復二京未知同穴鬪便可望昇平

誰道江南樂難瞻薊北庭山河非故國涕淚香新亭為見除

書目殊多帶礪銘毋令逃海士不處小朝廷

主死難為利天功未可貪何人謀曲突各自冒朝簪猶憚延

年奏誰懷建武慙于今偏寂寂燕雀喜東南

羣盜聞西走強又北屯烽煙連朔漠風雨泣陵園難用如

回紇知兵必柳渾羣公矜勝算吾意折雍門

妙二十四

古

為數中興業還須簡易風君臣曾握手將相必和衷陸賈徒工策宋昌已第功雲開唯我友封事意能同

郡中示輿父

八月來居邑秋風已颯然即深宗國恨恥附渡江賢似子猶承學嘲余亦守玄東臬收未熟相歎不逢年

贈答無疑質

太邱獄可恃朱建跡難明不信寬鉤黨誰猶仗友生關西傑已盡江左子知名無數風塵色淒涼滿帝京

蕪湖別吳起之元來

時為其兄和受甘來給諫請卹歸

水落江流寂暮亭葉下紛帆歸差陣鴈飲別寄停雲抗節猶

難弟懷憂有舊君天涯存縞紵惆悵掉頭分

贈體中通和

上人用彭禹峰而述韻非注體中後以同

漢于陣非為之立傳彭鄧州人時避亂于牧業里

吾道本艱辛相逢體上人林開翻貝葉谿絕問花津入社真
多事逃禪亦有鄰至今圖繪在三笑為誰陳

莫道乙酉

莫道南京事臨風淚欲絲東宮推邱獄故劍棄微時采女須
千數酬星可一危滿朝甘載溺天蹶豈能支

前星杳渺事日月蔽精英抗義靖南疏興師左鎮兵誰云爭
順逆遂以出降迎自古江東恨無如此日并自注靖南侯黃
宮平賊鎮舉兵以此為名

屈指今五月垂衣僅一年難追航海事方撰福華篇自昔論
成敗所居視佞賢可憐天慜狹佳麗盡裘毼

閒看處堂喜真稱舉國狂人猶殺李范理不及齊梁寂寞臨
春閣悲涼石子岡只餘諸葛恨頸血濺淮揚自注猶殺周仲
歟雷介公而史

道鄰死揚州

妙二十四

五

為歎興亡易居然似贈攜沙邱疑射股郢陽定然臍悵望鍾
陵色蕭條蕪水西赭山雖突兀誰可擬靡笄
近事最悲辛吞聲未可陳皇圖數百載輕擲兩三人末世多
王褚空勞亦遠巡吾生雖寂寂心睇大江濱

課童子理蔬圃

居本絕城市性復愛田園有奴勤作力相對但忘言肉食效
已覩畦蔬意自存何方終學圃兵警到前村

瓜架

每念青門事方驚白下聞國家猶置齊名利總浮雲擾擾風
塵隔垂垂籬落分衡並宜對此散髮坐斜曛

又題泥灣壁

非注在城南九十里尋有從泥灣寄家人
永訣書集中不載非編入仁至錄

離亂到于今江南又陸沈各懷家國恨不變死生心好整偏
能奮提戈亦解吟他年銘勒事一笑此亭陰

贈丁丹石

耀

非注此作于崇禎壬午補遺于此

濁世翩翩者如君未可求宦情匏繫視漆室緯人憂文藻思
名世風流感少游我來尋夙昔相對一庭秋

湯薦玄假舟城南

寶應真吾友輕航許乞居何殊割郈宅況載入關書我有乘
桴興人誰作楫須城居空擾攘野泊竟何如

案此詩為先生己卯六月南都避客城南舟中之詩見留
都見聞錄先生之孫銘道注中湯即寶應人也冒辟疆同
人集中第五六句云我不為公度人誰賦中須小異耳光
緒庚子孟冬月邑後學劉世珩識

妙二十四

夫

樓山堂集卷第二十四

贈丁丹石 耀

非注此作于崇禎壬午補遺于此

濁世翩翩者如君未可求
宦情飽繫視漆室繹人憂
文藻思名世風流感少游
我來尋夙昔相對一庭秋

妙二十四

七



樓山堂集卷第二十四

與集二十四

樓山堂集卷第二十五

二妙集二十五

貴池吳應箕著

詩

七言律 一百三十三首

杉山寺 壬戌

杉山山寺萬山開夢裏曾經幾度來雲外僧居天外寺雨中
花散石中臺茗香此日同清磬詩句他年照綠苔不索空門
煩信宿誰令身世絕塵埃

重陽風雨飲伯宗藜亭

劉家亭子屋之隅風雨開尊意獨殊已羨花時羞獨醉還同
竹裏盛行廚青天蕩莽傾簷至黃葉蕭疏喜客俱亦解閉門
佳節度長房何用更囊黃

明日同諸子飲丁介之 廬齋中文韻

妙二十五

唐

虛堂爽氣入深秋溼滿尊前翠欲浮已辦乾坤開醉眼卻憐
風雨接城頭佳時若為宜人住高會應能散客愁潦倒不知
更欲盡籬花山色任悠悠

丁太史亭成 癸亥

高居迴絕紫霄閒別啟林亭離市闌城上翠微通遠色湖頭
練影自成斑鴻苞黃石誰兼器碧樹青蘿好鬢閑亦解避喧
非避世誰云心隱是東山

五日觀伎賦得紅裙妒殺石榴花

數幅緇紋翦絳紗輕雲一片縮明霞不應微出凌波步那信
爭看滿樹花馬上逗開千疊皺帶中元佩七還砂早知絕豔
欺凡種誰使安南載漢槎

聞警有感 丙寅

拊髀深宮久繫思遼西征戍十年遲甘泉此日傳烽近畫閣

何人肖貌宜秦世至今迷鹿馬周郊無士應龍巖可憐四海
和同甚謀國曾稱警朕師

一從宦寺任疆場賜劔年年說尚方天上出車非召虎人間
誦德盡金璫敢云下策徒三表未許乘機似五王極目搶攘
何日息深山不禁意如狂

練潭自注在桐城

霜含斜日影相參別有幽光護練潭指顧平沙天欲鑑依稀
遙巖氣成嵐迴環林薄知前徑入望薨稠可脫驂野店偶忘
身在客卻疑風物是江南

同王公儼兄弟宿雨梅心驛

風沙吹合晝常陰寒雨橫窗入暮深客夢一身隨遠路旅情
十日動微吟尊前醉舞消簷滴夜半茶聲續漏沈何處天涯
非逆宿對牀贏得此梅心

妙二十五

淮淝

古道驅車路欲賒川原晴色淨風沙雪殘影散山山曲霞落
光含樹樹銜天入遠空無地接望回鄉國有煙遮循谿不解
宵林出笑指茅簷日已斜

自亳州道中至固始境上

路穿礮礮幾山盤三日危勞漸覺安天盡楚江微有色雲連
汝水似為瀾馬蹏蹠踐消餘霰鴈積依稀動晚寒疏樹碧沙
帘隱處投居欲作故鄉看

光州公解有林亭竹石吳使君留飲移日

風雨連途此覽閑公庭亦復有林閒旅中看竹如逢故花裏
銜杯且破顏酒自引人行勝地亭如留客坐深山城頭暝色
垂垂落無數黃雲點石斑

蠟梅自注王汝宣衙舍

客盡冬殘未見梅巡簷忽喜此花開寒香不妒秋籬早冷豔
曾驚睡蝶來魂夢只須依夜月飄零莫認護蒼苔枝枝欲向
人前語贏得閒亭官舍栽

官閣有詩應未到憑郵欲折認曾非生來不識東風恨坐對
還須暮雪圍解辦暈同羈客醉垂枝痕帶美人肥明朝已報
迎春早臘盡芳名忍未歸

汝靈詠雪

用蘇長公韻

昨夜寒風落玉纖肅清如凜使君嚴夜鑪爇盡詩無草冷夢
思回水著鹽梁客篇章曾競色吳門練馬共攢簷亭前百尺
雲鬟孃指點餘萬箇尖

銀海翻波影沒鴉載來鮫素幾千車虛疑瓦竄仙人鼠好事
茗烹玉女花絕塞使臣旣護節空山高士臥為家請看一夜
梅零亂強賭珊瑚萬萬文

妙二十五

三

李達自燕中歸傳滕陽驛方李兩御史就逮題壁詩讀

之愴然李感和二首因步其韻

自注方訣于李思親
丁卯

讀爾新詩倍愴情舊年聞詔已吞聲豈知御史鷹鷂志化作
郵亭風雨鳴豺道祇今羞赤轂牛衣自古笑輕生浪從草野
揮雙淚焚研窗前又未成

申徒免論自超然喬固何慚日月懸感事和詩惟好友過亭
題壁共三賢因思厲夜空求火莫以傷我可廢篇自古平時
皆蜀道此身無那未逃禪

聞報

聞說真人自代來七年日月幸重開趙高已失秦廷馬董卓
難封鄱陽財四海衣冠新沐浴三台象緯久塵埃獨憐文學
無人薦長笑山中暫酒杯

滿地冠裳共祝年蒿呼猶幸未盈千那知殿角曾三震遂有

龍飛自九淵錫土羣兒徒自貴敝衣乞賜可能穿眼前翻覆
應先識穀有朱丹實可憐自注在劉瑾下獄乞舊衣遮體時

九月十一日生辰戊辰

嗟我虛生忽此辰每逢初度感風塵十年青眼交惟友九日
黃花意尚親任俠季心終以氣長歌原憲不羞貧明時痛哭
真多事抱膝如今實幾人

示緒倩子相

春深花發氣如熏鳥亦嚶鳴喜得羣至願有三山水友絕人
無一字詩文浩歌何處彈長鈇奇服空能冠切雲敢謂火攻
猶下策年華容易愧諸君

邱中夜雨讀詹劉二子文自注詹振劉城

河外寒煙日夜熏城頭暝色接簷分不嫌作客三更雨為讀
空羣二子文鐙影淨開秋水練庭聲滴碎翠微雲旅懷似病

妙二十五

四

憑誰發濤勢還從枕上聞

旅夜看犀軸傳奇是沈青霞錄事末句深有感于聞氏
生平愛說沈青霞孤憤長鳴一劍斜旅夜無聊翻雜劇逢場
作戲豈虛誇偶然鐙火窺雙淚為與悲歌和一笏若使史遷
重載筆肯將女子後朱家

九月寄諸從應試己巳

兄弟登高少幾人為憐晴色亦艱辛三秋蝸角猶爭戰七子
延州絕比倫入夢可知懷小謝並龍今復見諸荀湖墩齊麓
應蕭瑟補笑參軍定此辰非注筍簍筌筵履嘉廷幹遇七子

湖上書懷正月二十九日非注池州作 庚午

湖上相從十四年每來秋色與春妍大觀官冥潮浮閣高興
夷猶棹遠天憶與一公交世外至今雙樹植庭前可憐青鬢
長如此為聽鐘聲發曉眠自注一公指諱公也

吳孟醇 希孟 見過

輕風野外散氤氳湖上蒼茫色未分我自水鄉求悅性那能
僧舍學雕文有聲黃鳥猶呼友何意青蓮政似君為少遠公
同一嘯曾無閑卻度谿雲

三山舟晚遇風 九月初三日 辛未

暝色空江首自搔西風濁浪拍船篙三山似與流俱去雙槳
平隨岸影高幾度秋殘悲木葉慣從日落駭波濤長蘆淺港
深深泊旅夜徒驚夢裏勞

虎邱社集

驚看象緯動禪林名士東南此盍簪金谷蘭亭詩酒氣紉衣
縞帶結交心投羊若水堪羞古成市華陰偶見今歷國未如
吳季札天涯鄰德敢浮沈

閩門舟中華亭二杜駿徵麀徵集朱宗遠 瀨 周勒自 立

妙二十五

五

勛楊維斗 廷樞 張草臣 澤 朱雲子 隴 李仲木 楷 陳臥
子 子龍 張友鴻 一鶴 吳扶九 齋 沈聖符 慶瑞 彭燕又

寶諸子

月滿高城酒泊航雲閒寶炬耀金閨弟兄袁灌欣同俠少長
機雲狎主觴角技數公同戲洛壯游千里不齋糧明時敢號
高陽侶贏得沿洄夜未央

杭州諸子集同李源常 意 西湖共汎 十月初四日

十月湖光欲盡秋相逢良友共相求一船酒載仙乎客兩岸
人同鏡裏游菱杪縠紋風自送柳梢黛色月能留滄浪有曲
君休聽未信晴波可狎鷗

憶劉伯宗父子

舟行念爾肅深居積葉空階著幾書二劉姓字偏驚俗一代
文章敢側余梁月窺人時有夢秋風歸興不因魚蟹肥酒熟

知誰對肯令趨庭日夕虛

寄諸從

延陵七子舊知名秋色偏憐旅客情
九日登高應共念三都著筆問誰成
中須好友俱難弟到處逢人說勝兄
名士東南吾已盡歸來尊酒細相評

楊龍友

文獻

集雨花臺甘露閣

癸酉

城南九月盡秋妍客裏招攜九日前
西蜀校書能壓坐山陰名士半通禪
青天木末雲開幃古寺花閒雨作泉
莫以更深頻翦燭心期常共塔燈懸

寓程去聞喜吳時可至

甲戌

谷口春雲杳靄思何當高屋許棲遲
登堂周子欣親在對字龐公率爾宜
初見鏗然生遠韻深譚不禁半憂時
古今懷抱尋常事雅道無須面命兒

妙二十五

六

贈吳子舍去非兄弟

曾從聲聞許交歡相見頽然僅勝冠
敢謂仲求開有徑卻疑方季自為難
人生國族心偏遠客到高園夏亦寒
積雨如山忘旅寂看君文思若興瀾

邱園

非注在商山

四月桐陰影欲流草堂客聚盡清悠
素心周閑非緣飲消夏林亭卻勝秋
碁局靜談隨手置鐘聲閒接隔鄰幽
一時名士山陰侶姓字何須襖事留

將去吳門方密之贈詩書扇答此

去歲相逢盡賦秋悲君明月暗中投
可堪擊筑當燕市為復呼仙舊酒樓
縞帶紵衣行次有來禽青李握中留
孤帆遙指隨天闊心折江聲日夜流

宜興訪陳定生

西風放棹大江南秋色蕭疏到可探我以懷人周水國君應
謝客拾山嵐荆谿明月勤生夢虎阜閒雲待稅驂世路只今
成反覆菰中能得幾朋簪

九日項氏兄弟集同朱雲子錢吉士禧朱望子陵游上

方山至山足游人萬眾舟不能進夜月反棹雲子趨

予共作

佳時從俗到人閒此日追隨也自閒大野誰知花寂寞疏林
不盡景幽艱千帆遙月能消酒幾客還舟未到山好事與君
同句就古來嘲笑代為刪

與雲子吉士汎舟橫塘過君和宅未登

秋深野色靜相尋舟過橫塘氣已森杯酒籬花山水國文章
朋友弟昆心塞裳慚愧龐公宅抱膝高稱梁甫吟試問同來
今二仲可曾時月共登臨

妙二十五

七

寄懷張天如

秋風婁上憶張衡京國東西賦可成敢讓羣儒紛虎觀暫施
絳帳集嬰聲三年顏色時窺夢九月魚書未報瓊似我旅游
寥闊甚自慙筆札受虛名

宿靈隱同舒芑孫沈崑銅吳時可羽吉分之字

游山夢久到山遲情勝于今一其之竹下尋僧方日落澗西
覓路到煙疑自然石勢飛來似不盡霜林看後差紅樹白雲
隨俗好聞鐘何用獨攢眉

澗西

竹林窈窕徑通幽接竹為溝水倒流僧視萬峰藏几席人來
十月際冬秋雲嵐冥官尋常事江海微茫最上頭彼光昨夜
湖中聽歌舞心從此地觸虛舟

飛來峰

海嶠何年飛未還奇峰流落在人間生憎佛鑿傷天巧猶喜
楓多點石斑紅樹遠連施絳幘晚煙低結亂青鬟那知五嶽
交胸抱到此偏憐世外山

春興乙亥

十載秦川走鋌多封狐一夕渡黃河青天風雨驚吹角赤地
波濤斷洗戈何處有龔劓渤海空嗟無詔令朝歌可憐耒耜
生刀戟引首櫬槍可奈何

人閒賈卜豈王郎節制何人控鳳陽灞上將軍驕駕鶴長陵
烽燧泣亡羊千年王氣猶鍾漢一炬桑田已變滄近讀詔書
深罪已牽纓空拭淚如滂

廬江郭道已成塵舒六桐潛失所親原野縱橫彌白骨乾坤
慘澹半黃巾戟嬰刳妊悲三邑弔死扶喪過一春我亦山中
風雨夜側身不禁意艱辛

妙二十五

津吏沿江日夜催白門飛遞督戎牌已知色屋無煙火猶駕
樓船暫酒杯一月聲援矜迅速三旬賊去故徘徊渡師枕上
空聞昔誰道官兵甚賊來

蘇州開府擁嚴師千里舳艫蔽水湄莫漫有烏占楚幙誰云
健鬪屬吳兒魚龍舟楫偵頻斷草木旌旄唳亦疑朝上捷書
鄰夕壑中原何怪盡潢池

繡衣持斧肅秋霜柱後冠疑短後裝屬有長江隈皖國不然
無地縮池陽烏臺計慮先薪木雀舫追隨作戰場其道好官
民餉賊負戈何以氣飛揚

備兵使者建高牙十載江南更是家三窟但工江上下二毛
敢問賊參差羽書深幸無逢午鼓角嚴聲早散衙何事干戈
妨宦達爭如肉食老京華

江城三月盡號鶯忍聽傳呼亂癸庚但問金錢到廝養何曾

王貌說先生廣文寄帑爭先識公子乘船好避兵北望煙塵
何日息已知皇路礙躬耕

答江夏劉濟甫數仁

我昔觀詩歎楚風君今有句秀囊中自來逸氣推公幹敢謂
知名到孔融烽火歲連書未斷芙蓉江隔意常通隆中莫漫
閒相許獨恐淮南桂已叢

寓梅里贈劉輿父非注今為一鳴菴丙子

幾度來游幾寓居春風窈窕況花初殷勤不用先懸榻即次
何能暫授書多壘四方慙獨爾高樓百尺敢誇予聖明宵旰
須才急應見飛揚誦子虛

寄仲馭茅山

春雲天外感飛鴻念爾茅峰定許同豈羨入山稱宰相卻憐
學道本英雄三年馴鹿藏蕉夢九死披鱗付塞翁側席近聞

妙二十五

九

明主詔可曾國士問江東

柬陳臥子

遠懷天際誦玄文湖海名高自不羣大雅幾人能更作雲間
今復得如君綢繆河上憐同調奇偉菰中敢獨分命駕已慚
秋欲近翠微搔絕大江雲

寄萬茂先時華陳士業弘緒

寥落秋雲江上孤猶然僑於滯菰蘆楚人未得城酬玉鮫客
空揮淚是珠持詔近聞推買誼著書曾否學潛夫同時我欲
牆東去不是疏狂號酒徒

南太宰鄭玄嶽先生請告不得暫歸里中時將赴內召

因贈

黃髮清朝近已稀主恩偏惜老臣歸久疑八座留南國未見
三台變少微天意已知憂聖世蒼生不願說先幾即今言事

多徐樂應笑違時獨布衣

丁丑元旦

聖主垂衣正十年陽回玉曆慶同天
遙瞻象緯皆環極敢謂文明尚在田
此日春秋書有食何人災異據師傳
只今白虎紛綸甚應訝揚雄獨守玄

莫以明時感歲華優閒直復羨農家
尊前獨酌頗浮相道上公車等戰蝸
羣盜東西方擄掠甘陵南北可萌芽
憑誰解盡陽春憾屋後寒梅已放花

羅季先尚甲

載酒招伎自五雲菴至齊山同劉伯宗王

公儼

出郭青蕪十里鋪林煙深處好攜壺
一時良友情皆勝五月登高興不孤
紅粉可知香積意白雲長為翠微圖
游山歲歲疑山路著屐相扶日已晡

妙二十五

十

首夏尋山山更青因于巖壑失朱明
幾多滅沒碑題斷到處谿石勢迎感
慨已忘游跡徧蒼茫猶見髻雲輕也
知眺覽情何極相送長隄柳色傾

答姚雨若見贈

丹山秋色酒浮黃客裏銜杯盡醉疆
誰笑得官無口舌故云驚俗有文章
聚來國族星應動人自羈游夜未央
濛濛翳然君獨勝何當四本擲嵇康

吳日生

易

招同楊維斗夜飲酒閒論事有感

八月廿七日

清夜招攜更幾人一庭寒月敞城闔
同時恤緯心原素卜宅開尊意自傾
驚坐孟公秋入韉尚玄揚子草為鄰
酒闌莫問文章事敢謂吾衰尚有陳

酬湯友僧朝雨見憶山齋

山中寒色竹亭深溼滿虛窗翠欲沈
囊筆未能生氣象懷人

偏為動陰森月明夜永空疑夢雨勢朝看好助吟有友如君
時見憶投來清句入高林

陸履常

招飲西郊草堂其尊人子垂先生出所藏古

研見示

一尊郊外客前陳顧我登堂喜拜親負郭無田猶自勝傳家
有研未為貧秋涵氣象宜高隱醉辨堅貞可德鄰試問同來
工筆札相間憑几獨陳遵

懷朱雲子用前韻

我懷大雅向誰陳與子風流氣獨親得意未逢人異代長卿
徒抱壁為貧客星武阜誰干象秋水山塘即近鄰新月遲來
爭賦就敢云古道有同遵

蔣赤臣

之絨舟中用沈字

蘇州好景古荒邱羈客相隨擁櫂游共有清尊消落葉幾多

妙二十五

十一

度曲入扁舟一時名士歸吳國八月黃花報暮秋潦倒不知
誰去住憑將詩句競風流

自注赤臣從徐州歸洞庭時于鏡下看菊

次韻顧子方飲虎邱寓中

葉積空階翠滿庭猶于簷際辨峰青相思輒過門無字作賦
同登地有靈幾度殘秋偏在客偶然醉酒敢邀星只今沈冥
紛紛甚與爾羈游恥共醒

次韻子方即事

老大詩人漫有情偶然投佩狎鷗盟風塵莫問張羅曲閨閣
羞傳折柳行冰管可隨殘月散榴裙不共曉雲輕越谿寂寞
無消息誰為乘舟逐范卿

李仲木舟中集同諸子分波字

錦帆蕭鼓曲聲和入暮微風水欲波公子夷門能好客故人
燕市競悲歌鐙前翠袖司觴虐醉後霜楓解色醜不為酒杯

澆壘塊吳閭曾得幾回過

楊龍友月夜過訪投贈詩扇并言寇警

寒露日

山寺秋殘客思闌君移蹤跡破煙寒榻來懷袖投珠玉猶為
文章惜羽翰旅夜故人多歎息中原羣盜況江干相逢不盡
澄清意明日無忘石上看

施玄度送菊

有序

玄度饒將略予往訪之出水戰圖相示又引觀其藝
菊因言居崇明時曾樹菊二十年多至三百餘種今
以應聘至吳不能見當年之盛然亦有可觀者因惠
數本作此謝之

山齋秋色問誰移好事曾聞海上時不盡風雲生筆陣猶然
霜氣寄籬枝葡萄塞外知君志鵝鵲圖中即我師若使烽煙
消澤國青門莫詎菊花遲

妙二十五

主

答張草臣

知君曾唱大吳風可與人閒鼓缶同不道三都出僉父漫疑
四本畏嵇公羈栖竹屋因山靜投贈徽音比玉攻為我兼葭
懷咫尺何如十日醉丹楓

許孟宏

元博

招飲因觀其藏書令子孝酌謂在坐

多君絕麗擬班張飲我花時氣盡霜已羨讀書多鳳翥因嗟
絕學自麟亡主人不用先投轄羈客何須獻束羊共愧夜分
渠祿事曹家猶富石為倉

次韻邢孟貞

訪見訪

偶來吳國抱禪關有客秋吟夜到山觀樂無譏節以下論詩
斷自魏初還友聲飢渴君如怒大道榛蕪我未刪強欲和詩
書所見紛紛脫葉點苔斑

次韻顏方平同周仲馭張天如孫孟朴沈聖符吳扶九

振六見訪

相看霜色盡吳中共歎黍離已降風患難弟兄時聚散誅求
文字等窮通幸遭聖世寬鉤黨忍說諸生號小東卻有先憂
如我友為傷疹瘁是虛空
連年兵燹四郊通游子深秋似遠鴻滅刺不聞今日事班荆
猶見古人風同來道故非看竹與共閒吟自掃桐若道天涯
無咫尺相逢莫漫賦飄蓬

彭殷源雅集西巖將有鴈宕之行

誰從雲外問天台尋勝人絲瀨水來已羨游航盈橘柚何當
羈旅卜鄒枚風摧病葉飛僧屋酒散寒香繞霸臺此去定攜
孫綽賦赤城霞色幾時開

黃心甫傳祖

自無錫貽贈二詩予過錫山不值因次韻

答之兼致諸友

抄二十五

三

爾從無錫附桓譚投我新詩霜色酣豈有知雲須後代卻疑
過鄭在江南東行誰識人驚宿望氣何如客到函莫訝及門
空鳳字大邦襟帶盡朋簪

同劉興父登郡樓有感賦贈

幾見江涯戰未休久來羈客尚登樓靈光似爾偏能賦漆室
何人肯共憂羣盜半疑天地滿諸生幾應廟廊求風塵游處
同蕭索不具懷瓊強自投

游橫山寺

有序 戊寅

橫山者去予家十五里奇峰疊嶂拒日概雲比之九
華尤為特秀以處僻隅卒鮮游涉故山名不著山之
麓又有峭壁千尋環帶五里而寺居其中山之下長
川奔浪出沒蛟龍上則松柏參橫香靄雲氣耳目所
及蓋東南之靈壤而圖經之逸勝也予少時嘗讀書

其閒欲記述之而未遑今春偶來為作是詩

不到橫山十七年舊時雲樹尚依然人閒足跡誰曾問世上
圖經偶未傳峰落天如開茵舊流奔石亦舞蟬蜷哀猿野鶴
時相喚心折幽棲世外緣

周方伯孟巖秦時先生夫人雙壽先生仲馭膳部之尊
人也

甘棠何處不成陰歌向東山又見今弘景榻香蒲萬本麻姑
峰近蔚千尋尊前霞爛光生髮坐上雲怡喜到吟共羨年年
雙馭鶴那知十載已抽簪

贈尚寶方潛夫孔明先生友人密之其冢嗣也

一時折節盡公卿有客探懷刺未輕忘勢古人存至性交歡
國士愧虛名文章安樂真堪鄙烽火江淮幾處清似我書生
偏發恤况間賭墅舊陪京

妙二十五

古

贈金天樞光震侍御四月二十五日作

冠蓋京華盡鷺班何人抗疏即身還天中使者曾埋轂殿上
孤臣敢犯顏直道何慙吳市卒憂時莫羨謝公山清風暫被
長干曲其奈雲宵已賜環

送孫碩膚計部赴武選內詔

白下司空甫藉君中樞微檄復如雲新揮羽扇元才子夙著
鴻苞盡大文安攘只今談影響蠻夷自此讐聲聞憂時草野
同心劇敢為當歌歎失羣

贈徐克咸臨

近讀孫郎白下詩風流不異鄴中時故園憔悴猶兵火旅寓
蕭條但酒危著說為君輕倚頓抱憂忘我似支離江東兄弟
推誰勝明月秦淮好自持

將往無錫答方爾止詩言別

有客乘船下錫山白雲尊酒駐離顏那知道德文章意不盡
歛歛感慨閒游倦似予何足倚才多如爾未應閒請看南北
烽煙日誰占文星虎豹關

同子方避暑舟中即事 六月大暑日

廣亭日亦人難坐涯闊風多舟最宜移來一榻猶書卷況有
雙鬟對酒危侵袂水波疑雨濺穿林霞色與雲迷滄浪有曲
君休聽鼓櫂江湖未有詩

周勒酋楊龍友集子方兼山堂分得十四寒 初四日

七月青林烈日團高堂客聚亦生寒偶然澤國琴尊共遂作
龍津氣象看雅道定知刪蒼蔚老成今復見波瀾相期莫訝
吾曹在赤白何人制探丸

答黃心甫

清風盡日被階苔暑日霜飛到酒杯雅澹湛思誰並勝沈雄

妙二十五

五

絕麗我非才共驚元有陳遵坐自失應從叔度來十五國風
刪可徧懸知閉戶獨精裁

胡修能學博千尊經閣集同子方及同官陸孟冕

一尊高閣散埃蒸秋入行廚坐欲澄不道守玄神寂寞還驚
投轄氣憑陵國中難和原推楚季子無譏未至節誰謂盤清
餘首着授經應已卜飛騰

陳伯符畫次尾子方對吟圖各走筆書此 七月二十九

誰將寸管虎頭筆寫我雙吟對據圖不貪詩卷留天地可使
鬚眉愧丈夫一邱一壑莫須置為馬為牛祇任呼挂此高堂
應共笑兩人吐出心肝無

秋興

天空何處不淹留客倦梁谿已半秋游子自驚時序變野人
偏切廟廊憂但聞遁寇歷朝節未見長纓繫虜頭獨有虛堂

同好友牢騷猶賴酒杯浮

腥風前歲蔽三韓此日中原盡寇殘馮朔新開丞相府將軍
舊戴惠文冠每聞漢世憂勤詔豈為齊人口舌官四海何知
酬聖主草茅空欲自修翰

十年日月荷重離尚憶先朝警朕師義士九原甘鎖伏愚公
一夕盡山移南京鯨鱷波猶動東國麒麟道未衰政好誅鉏
勤載筆敢言捫舌是明時

間道諸生七百餘同時上國被徵書漢家可有神明待郡將
何如守邱居未必通經窮董賈空教言事類駐徐臨風為讀
宣城疏江夏遺書獨啟予

涼風早已散蒸埃閉戶閒愁轉自催近報雲中謀款塞久聞
江北泣遺孩吳門紙貴違心去京口蝗飛撲面來世事只今
誰可問高牙無怪日崔嵬

妙二千五

六

漢武憂邊重建威兼材誰復似翁歸禁民挾矢須吾對比士
精騎認廣非緩帶自能增敵膽投壺曾說破堅圍禁中若肯
推張仲罷筆欣從短後衣

東京名士盛如林鈎黨猶明九死心結社只今多尾續臨文
無賦感秋吟通都誰沒襮衡刺下邑爭分鮑子金莫訝菰蘆
倚於盡江南元自有朋簪

窺林纖月娟娟靜拂枕微颺窈窕輕作客不知家近遠怯寒
猶藉夢分明磨吟自笑綠詩債砧杵還應動旅情此去青霜
歸棹急江天悽絕鴈來聲

贈馬君常 世奇 太史奉使敕諭三藩國

天子飄然讀子虛同時不意得相如豈無論檄通巴蜀已自
橫經擅石渠雙劍氣收門下士一星光傍使臣車東平即有
賢王在漢法難求太史書

過義興贈陳定生

河上林端望物華上卿門第翠交加開軒自爾書為幄作客
何人友是家感事已知忘鳥雀傳經應復護雲霞庭前不盡
紛紛下笑指霜清更幾花

答蔣韋人傳見訪定生家有贈

蔣濟當年豈醉徒重君今日忽投珠卻驚高論輕曹李莫訝
虛名到顧廚客倦自知傷木葉詩工應復笑吳歛潁川豪士
何人近幸有同心調未孤

武進馬培原嘉植明府見顧并招飲予以半夜去未報

謁復貽此

漫道河陽縣有花毗陵今復擁雲霞心勞撫字餘三載政頌
神明幾萬家安邑風清真自勝臨邛客過莫相譁于今漢相
推循吏取次門前好護沙

抄二十五

七

間警憶劉伯宗燕中十一月二十八日作

念爾為儒恥附聲同時應屈老先生爭談世務輸三子久著
鴻文抱二京玉貌何人能卻敵義渠難用莫言兵漢家即使
神明待敢謂難居實盛名

和興父感事

聖人七月召平臺嗟咄曾憂騎來誰料不大舉即看
關隘已全摧密雲山海真成戲政府中樞莫定猜三輔近為
戎馬窟燕臺何日息烽埃

聞道三河大蔓嬰城不問寺人呼殿師已失夙沙衛堅壁

難言周亞夫北道主人誰足恃東偏羣盜況多虞上方宮監

年年出未見何宵卜楚烏

豺狼苦無厭河洛關齊盡戒嚴九死犯顏誰繼賊一身

捍國想于謙豈無庚戌樞臣法屬有東莞大將占若使用兵

寧下策 頭何日可成鐵

燕山雪色未全凝 騎中宵處處興 晝夜可馳五百里 烽煙無恙十三陵 通津南北咽喉繫 居塞東西羽檄騰 何以至尊憂莫解 誰如介子獨稱能

南都司馬赤書馳 皖上中丞夜濟師 朝士云誰能 辨此平原不識作何為 山前山後騎充斥 河北河南賊號窺 洗甲乾坤知有日 草廬空復抱艱危

方罷臺試有傳濟南已破者 正月二十九日 己卯

試科何異事 從戎使者持衡第 戰功豈謂秀才殷 往嗣卻逢化俗蜀文翁 自注時學使為山望楚曉金公 國家道長尊 經術醜 天驕急

轉攻見說藩封今已陷 空聞十二有山東

壽冒嵩少 起崇 憲副五十詩辟疆 襄之尊人也

海上何人進壽危 風流原自治兵時 東齊大國憑安堵 南部

妙二十五

六

天卿舊有司 老笑平津初上第 心如瓊玉正知非 趨庭已賦靈光殿 閣筆陶然醉似泥

長干舟中東應試諸子

小艇城南雨後涼 暫拋書卷濯滄浪 櫓聲曉集漁人網 塔火宵懸水面光 幾處烽煙餘澤國 莫言文字老名場 閒將一曲瀟湘意 好為諸君夢帝鄉

大雨臥赤石磯舟中聞定生來驚起輒返駕矣

何處秋聲到水邊 洞庭一曲帝城偏 石闌久逋高人臥 塵外誰知避客船 豈有津源迷咫尺 竭來風雨隔林泉 夢中何必重尋路 笑我乘舟未見仙

飲梅惠連寓中兼言別

與君酒罷更三歎 清漢何能共羽翰 楚士自憐蘭作佩 吳人猶聚鵝為冠 空江柁傍鼉鼉影 故國烽迷赤白丸 似我行藏

偏不定風塵誰比漸卿看

清明前一日清涼寺登臺作 庚辰

有客幽棲古刹傍春風極目盡蒼茫許多樹杪人家出不盡
江流衣帶長人靜可知忘節序臺空若為寄悲涼干戈擾攘
何時息指點淮南古戰場

陳臥子補官北上贈之兼致宋轅文李舒章彭燕又

才子因誰早著名即今離合共陪京移書何用稱江夏惜別
依然到石城墨妙淵雲文未墜酒酣卿漸氣嘗傾春風無限
淒迷色為向長途戀友生

袁州解華胥 經蓮 太守因友人張爾公遠致書幣

江外新傳渤海名使君三歲擁專城天開五馬驕驄色世聽
雙龍風雨聲門下近聞推買誼書來莫誤羨樊英即今四海
須平治漢世循良已上卿

抄二十五

九

魯孺發 可藻 避亂梁山予招之來南

白下逢君轉徙餘又聞鼓棹倚江廬漢陰舊識龐公宅關內
新移墨子書問隱故山猶未可買田占地欲何如道南大宅
知誰讓江左風流亦啟予

范大司馬質公 景文 益中生並頭蓮

並蒂芙蓉本自雙 杜自注 今看華露護霓裳翩躚競舞仙人掌
窈窕爭承玉女妝豈有春風先草木若教麟信兆芬芳一時
授簡知誰勝拚醉如泥司馬堂

夏日暫園 自注同從弟彥應蓮作

孤亭斜倚屋隅西下瞰平疇萬綠齊坐起經書惟自擇朝昏
野色似相攜高蟬急噪聲偏寂微雨隨來望欲迷散髮不知
三伏過桃花無意絕前谿

古木陰垂四代餘小窗憑倚得幽居窮村似我還隨俗論世

何人解讀書長日忘機師海鳥終年挾策逐衣魚牆東未許
王生去猶喜時逢長者車

自慙蹤跡熟逢迎暫臥荒園體亦輕一月無書煩報答三年
此日即清平問奇誰解題門去展卷真知閉戶精敢謂此中
吾獨勝公卿何用妒虛名自注時傳貴人欲殺三名士之言

今年五月雨為霖十日波濤瀉瀾深消溼何須醉酒醉勿疑
猶自喜朋簪閒看夕照來新霽愛聽好音變夏禽把卷不知
時序易山中先已氣蕭森

羣盜中原尚未收亂離偏切草茅憂敢干終食忘三歎難以
生平置一邱北闕故人慙上第東江名士說清流四方即恐
妨林臥高鳥還須笑樹頭

劉用潛潛宅中七月開玉蝶梅花一枝

隴上曾無驛使迎一枝秋色可勝情寒香墮後魂猶怯解辦

妙二五

飛來夢欲成幸有海棠供伴使不教籬菊號先生亭亭月色
渾如意誰索階前笑語聲

商邱吳讓伯伯齋廷仲伯庸兄弟有詩見懷答此

自我懷人帝子邱西風葉下大江流不因著姓吾宗國誰信
知名第一流關內布心俱意氣菘中儔胎久沈浮可堪豺虎
中州徧文字猶勞聖主求

寄仲馭自注時黃石齋解石帆就逮葉戶部疏救被杖

秋深游子歎離居為念華陽獨臥廬蹈海喜人言往事積薪
憎說見新除計曹慷慨西州意禁院蕭條圯上書極目九關
躡欲食淮南山小莫疑余

送杜于皇潛北上

西風八月水猶波游子宵征意若何門下未逢徒有淚市中
欲和不成歌黍離已降知誰歎天壤論才獨爾多此去自懷

明月貴大冠莫訝舊嵯峨

蔡香君太守招飲芙蓉亭

木脫都城霜下初空亭流映尚芙蓉自來習郁池邊醉難得
中郎枕內書好事不知秋黯澹高談偏覺意蕭疏使君莫戀
驂駟色且與寒光問麴車

次韻送范大司馬質公先生諫謫歸里

排闥清時共未能孤懷獨許雪霜凝一封爭著三朝節雙淚
窺彈五夜鐙漢殿可聞旌折檻堯憂何日解襄陵大臣身退
心猶苦明聖天王罪自應

朝揮白羽暮青林猿鶴東山意自深賸野不聞碁手劣登朝
忽訝履聲沈已知後宅容宣室敢向新亭作楚吟去國主恩
偏覺重忠貞未改歲寒心

大臣何用號多能許國高居第一層神廟至今猶競黨虞廷

妙二十五

三

自古未辭朋公看隼上方憑射誰肯鴻飛獨遠曾卻笑書門
偏不達退閒那識澹千僧

漢廷誰右大司馬節重官輕早乞休少伯傳家猶小艇征南
憂國雅輕裘依然入夢慙郊壘且與忘機狎海鷗一臥不知
身更穩草堂原自帝王州

除日

暫此登樓雪未消連年輕擲又今朝軍中積苦頭傷白世上
虛名夢亦搖豈有千金咸市字猶餘五石惠生瓢椒盤旅寓
空相逐一飯何人念聖朝

幾度客中逢此夕況持濁酒禦寒威煖衣飽食慙非分刻羽
引商和者稀天下徵兵猶未解窮鄉多亂獨難歸罪微恨不
盈街雪年熟欣爲萬姓祈

樓山堂集卷第二十五

